

別史

			五	三	漢
		四	一	〇	書
一	四	三	八	三	門
冊	架	函	號	類	

內閣文庫			
三	五		漢
函	一		書
冊	四	〇	類
架	三		

別史

內閣文庫		
番號	漢	5103
冊數	14	( 1 )
函號	286	57

286-57

0 1 2 3 4 5 6 7 8 9 10

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM: Kodak





第一本 一之二  
凡二卷

一高宗

二孝宗

叙

南宋書六十八卷明嘉善相國錢公士  
升撰世無刊本世臣漫述莽王少司寇  
家借得鈔本而梓行之是書大指蓋  
患宋史之冗長故取南度以後事蹟刪  
繁就簡別成一書其於官階之複沓奏  
疏之汗漫刊落甚多而列傳之分合亦  
多所移置有者或增之無者或補之雖取

淺草文庫



本紀七卷列傳五卷  
卷凡六十八卷

南宋九帝凡

第一本

第二本

諸稗官野史而事無關繫言不雅馴者  
槩不叙入如據蔡絛北狩行錄以關南燼  
竊憤錄之謬是其卓識也卷皆有贊許  
君重熙為之許君吾邑人博學有史才  
著述甚富相國為是書多其贊助之力  
云  
嘉慶丁巳十月上澣南沙席世臣撰

南宋書目錄

水紀七卷

卷第一

載高宗

構

建炎四載

紹興卅一年

第一本

南宋書卷一

卷第二

載孝宗

附逸事七則

春

隆興二

乾道九

淳熙十六

凡廿七年

南宋書卷二

卷第三

載光宗

惇

紹熙五

第二本

南宋書卷三

卷第四

載寧宗

擴

慶元六

嘉泰四

開禧三

嘉定十七

凡卅年

南宋書卷四

卷第五

載理宗

昀

寶慶三

紹定六

端平三

嘉熙四

景定五

南宋書卷五

南宋書

目錄

凡四十年



第三本

卷第六

南宋書卷六

乙度宗

禮咸淳十年

乙恭帝

景炎三年 德祐二年

丁端宗

景炎三年

乙帝昀

祥興二年

卷第七后妃紀

第三本

南宋書卷七

孟太后

韋太后

附喬貴妃

高宗元妃邢后

潘賢妃

吳后

附諸妃

孝宗郭夏謝三后

附蔡李二妃

光宗李后

附黃張二妃

寧宗韓后

楊后

理宗謝后

賈貴妃

附端孝公主

度宗全后

附王昭儀 陳朱二宮人

楊淑妃

列傳五十四卷

附蔡偉北狩行錄

汪元量燕中卽事詩

卷第一皇子皇父列傳

南宋書卷八

元懿太子勇

信王璩

秀安僖王子偁

附伯圭 孟錦 與樾

莊文太子愔

魏惠獻王愷

景獻太子詢

鎮昭肅王竑

榮文恭王希璠暨福王與芮

卷第二李綱趙鼎列傳

南宋書卷九

李綱

附張所

趙鼎

附喻樗 張戒

卷第三呂好問等列傳

南宋書卷十

呂好問

附馬伸

朱勝非

附鄭穀 王庭秀

呂頤浩



第四本

卷第四宗澤等列傳

宗澤

附程昌禹 上官晤

王庶

南宋書卷十一

李光

附子孟傳 劉晏

王彥

附楊惟忠 解潛 盜桑仲 鍾相

卷第五張邦昌等列傳

南宋書卷十二

張邦昌

附吳升 莫儔 王時雍 徐秉哲 范瓊

黃潛善

汪伯彥

附李宗 揚州南遷事實

范宗尹

附越州航海事實

權邦彥

附葉義問 崔邦弼

卷第六杜充等列傳

南宋書卷十三

杜充

附宗弼渡江事實

張孝純

附張中孚 張中彥 施宜生 徐文

劉豫

附郁臻 李成 孔彥舟

卷第七張浚劉子羽列傳

南宋書卷十四

張浚

附馮康國 呂祉 郭奕 曲端

劉子羽

附弟子翬

第五本

卷第八岳飛陸世忠列傳

南宋書卷十五

岳飛

附子雲 張憲 牛皋 楊再興 戚方 張用 胡閱休 張節夫 王大節 何鑄

韓世忠

附子玄直 解元 呼延通 成閔 李玄先 輔蓬 斬賽 李在

卷第九吳玠吳玠吳玠劉光世列傳

南宋書卷十六

吳玠

附玠子拱 璘子挺 郭浩 楊政 王俊 張超

劉光世

附王淵 苗傅 郾瓊 韓侂

卷第十張楊劉王列傳

南宋書卷十七

張俊

附兀术 自述 至淮上事 姪子蓋 張宗顏 田師中 趙密

楊沂中

劉錡

附王權

王德

附邵青

卷第十一宗室趙子崧等列傳

南宋書卷十八

趙子崧

附子砥 子晝 子肅 合鈔

趙士儂

附士晤 士跋 士疇 士晴 不羣 叔近 叔向 不允 子植

南宋書

目錄

三

清美山房



趙合晟

趙不息

附峻 善譽

趙士隆

附不試 叔憑 訓之

趙汝談

趙汝讜

附孟頫

趙希鎔

趙彥呐

趙善湘

趙與權

趙汝騰

趙希言

趙彥楠

卷第十二 許翰等列傳

凡十一人

南宋書卷十九

許翰

許景衡

李邴

沈與求

張守

張慤

李彌大

洪擬

胡交修

劉珏

滕康

卷第十三 胡世將等列傳

凡八人附

南宋書卷二十

胡世將

附兄唐老

鄭剛中

盧法原

附兄知原

王剛中

李迥

趙開

李璆

劉才邵

林勳

卷第十四 衛膚敏等列傳

凡十二人

南宋書卷二十一

衛膚敏

程瑀

章誼

胡松年

翟汝文

辛次膺



鄧肅

勾濤

趙達

陳公輔

劉一止

綦崇禮

卷第十五尹范朱胡列傳

南宋書卷二十二

尹焞

范冲

朱震

胡安國

林光朝 程迥

附劉勉之 胡憲 魏揆之 羅從彥 李侗 林之奇

第家

卷第十六張九成等列傳

六本

南宋書卷二十三

張九成

廖剛

富直柔

常同

張致遠

魏疇

陳淵

潘良貴

呂本中

孫道夫

黃中

曾幾

吳表臣

家愿

張綱

張嶠

辛炳

婁寅亮

卷第十七許忻等列傳

南宋書卷二十四

許忻

晏敦復

薛徽言

曾開

李彌遠

范如圭

王居正

黃龜年

張燾

張闡

陳橐

胡銓



胡寅 附弟宏 寧

卷第十八李植等列傳

李植

韓公裔

南宋書卷二十五

向子諲

王衣

陳桷

程俱 附徐衡

季陵

汪藻 附韓駒 朱敦儒 葛勝仲 葉夢得

卷第十九仇愈等列傳

仇愈 附柳約

陳規 附孫逸 寇宏 湯春 劉位劉剛 凌漢 岳諒 郭偉 蔡延世

郭永

唐重 附郭忠孝 程迪 鄭曠 魏彥明 劉惟輔

李彥仙 附邵雲 呂園登 劉宣 屈堅 王忠植

徐徽言 附劉士英 張忠輔 僧真寶 李觀

卷第二十劉汲等列傳

劉汲 附趙樽 呂由誠 楊粹中

陳淳

南宋書卷二十七

楊邦乂 附易青 胡玠 范旺

趙立 附姚興 龔楫

翟興

李興

張玘 附薛處

馬擴 附邵隆

卷第二十一張翥等列傳

南宋書卷二十八

張翥

胡舜陟

沈晦

薛炳 附蕭振

卷第二十二宇文虛中等列傳

宇文虛中 附鄭望之 傅雱

曹勛

韓肖胄

王倫 附王綸

洪皓

朱弁

張邵 附崔縱 林冲之 魏行 閻進 吳國安

卷第二十三陳東等列傳

南宋書卷三十

第末



陳東 附歐陽澈 高登

汪若海

宋汝為 附凌唐佐李亘 劉化源米漢劉長孺 李嘉

王忠民 附吳椿年 蔣繼周 周南仲 劉嶸 吳伸 吳仲

卷第二十三秦檜湯思退列傳 南宋書卷三十一

秦檜 附王次翁 范同 楊愿 樓照 勾龍如凋 羅汝楨 万俟卨 王仲山 趙不棄 鄭億年 梁汝嘉

湯思退 附王之望 尹穉 張孝祥 錢端禮

卷第二十四虞允文等列傳 南宋書卷三十二

虞允文 附梁克家 曾懷 史浩

陳康伯 附朱侔 葉衡 蔣市 葉原 附魏杞

陳俊卿 附子宓 葛邲 附周葵 龔茂良

卷第二十五汪應辰等列傳 八本 南宋書卷三十三

汪應辰 薛季宣 附張運

第八本

陳居仁

劉琪 附周滂

范成大

汪澈 附莫濛

李夔

王十朋

吳芾

陳良翰 附王佐

卷第二十六李燾等列傳 南宋書卷三十四

李燾

杜莘老

王希呂

李衡

黃祖舜

王大寶

金安節

尤袤

周執羔

李浩

顏師魯

袁樞

李椿

王質



蔣繼周

卷第二十七汪大猷等列傳

南宋書卷三十五

汪大猷

程大昌

唐文若

王信

劉章

張大經

蔡洸

劉儀鳳

陳良祐

胡沂

沈夏

卷第二十八施師點等列傳

南宋書卷三十六

施師點

蕭燧

李彥穎

黃洽

王藺

附王白中 謝堯曾三復

第九

卷第二十九洪适等列傳

南宋書卷三十七

洪适

洪遵

洪邁

熊克

陸游

徐夢莘

鄭樵

附章汝愚 馬端臨

卷第三十李顯忠等列傳

南宋書卷三十八

李顯忠

李寶

魏勝

附王友直 陳敏周虎

卷第三十一辛棄疾等列傳

南宋書卷三十九

辛棄疾

陳傅良

楊萬里

陳亮

華岳

鄧若水

附潘枋



卷第三十二周必大等列傳

南宋書卷四十一

周必大

留正 附胡晉臣

趙汝愚

附崇憲 必愿 良淳 彥逾 李祥 楊宏中 徐範

余端禮

附劉穎

卷第三十三徐誼等列傳

南宋書卷四十二

徐誼

劉光祖

詹體仁

彭龜年

黃裳

羅點

樓鑰

李大性

黃度

林大中

陳騏

附婁機 湯琦

第十本

卷第三十四倪思等列傳

十本 南宋書卷四十二

倪思

王介 附子塾

項安世

王阮

游仲鴻

附子似

柴中行

胡夢昱

楊大全

何異

孫逢吉

章穎

莊夏

戴溪

曾三聘

徐邦憲

朱德之

黃黼

卷第三十五王淮等列傳

南宋書卷四十三

王淮

附鄭丙

趙雄

林栗

京鏜



謝深甫

卷第三十六朱熹陸九淵列傳

南宋書卷四十四

朱熹

附李燔 張洽 陳淳 李方子 黃顯 廖德明 任希夷 葉味道 蔡元定 暨于沈 黃餘 何基 王栢

陸九淵

附于時之 楊簡 袁燮 沈頌 舒璘

卷第三十七張栻等列傳

南宋書卷四十五

張栻

附姪忠恕

呂祖謙

附弟祖儉 祖泰

陸九齡

附弟九韶

劉清之

附趙雍

蔡幼學

劉燾

附楊泰之 劉愚

卷第三十八真德秀等列傳

南宋書卷四十六

真德秀

魏了翁

洪咨夔

許奕

史彌鞏

劉宰

第十本

應孟明

商飛卿

李舜臣

附子心傳 道傳 性傳

牟子才

卷第三十九邱岳等列傳

十一本

南宋書卷四十七

邱岳

王居安

汪綱

方信孺

附王柎

葉適

附薛叔似

李璧

吳獵

吳柔勝

沈作賓

附衛涇

卷第四十楊巨源等列傳

南宋書卷四十八

楊巨源

附楊長仲 史次秦 安世通

李好義

劉甲

安丙

附吳曦

陳咸

張威



張詔

楊輔

卷第四十一韓侂胄史彌遠等列傳 南宋書卷四十九

韓侂胄

附陳自強 許及之 趙師辨 胡紘 何澹 程松 陳謙 張巖 高文虎

史彌遠

附余天錫 程珙 梁成大 李知孝 宣繪 薛極

鄭清之

史嵩之

附李鳴復 別之傑 金淵

卷第四十二崔與之等列傳 南宋書卷五十

崔與之

余玠

賈涉

陳韓 附崔福

向士璧

杜杲

王霆

王登

楊揆

張惟孝

畢再遇

第十一本

卷第四十三趙方孟宗政列傳 十二本 南宋書卷五十一

趙方

附子葵 范

孟宗政

附扈再興 孟珙

卷第四十四李全列傳 南宋書卷五十二

李全

附子璵

卷第四十五喬行簡等列傳 南宋書卷五十三

喬行簡

李宗勉

董槐

杜範

附范鍾 徐元杰 劉漢輝

謝方叔

程元鳳

吳潛

王爚

葉夢鼎

卷第四十六傅伯成等列傳 南宋書卷五十四

傅伯成

葛洪



黃疇若

袁韶

危稹

程公許

羅必元

王遂

吳淵

吳昌裔

趙逢龍

卷第四十七高稼等列傳

南宋書卷五十五

高稼

高定子

曹彥約

范應鈴

呂午

徐鹿卿

孫子秀

胡穎

冷應激

王萬

馬光祖

許應龍

包恢

常楙

曹叔遠

附從子幽

黃雷

孫夢觀

徐應龍

附子榮叟 清叟

卷第四十八丁大全賈似道列傳

南宋書卷五十六

丁大全

賈似道

附鄭宋 馬天驥

卷第四十九徐僑等列傳

南宋書卷五十七

徐僑

姚希得

陳貴誼

曾從龍

附鄭性之 陳卓 鄒應龍 林畧 劉伯正

洪天錫

陳宗禮

馮去非

陳嶝

徐宗仁

陳仲微

朱龜孫

趙景緯

第士表



歐陽守道

徐經孫

張處

李伯玉

劉應龍

洪芹

劉徽

湯漢

高斯得

卷第五十一王伯大等列傳

南宋書卷五十八

王伯大

附張縉 應傑 蔡抗 饒虎臣 戴慶河

皮龍榮

李曾伯

袁甫

蔣重珍

唐璘

黃師雍

陳垣

危昭德

度正

吳泳

李韶

王邁

徐霖

楊棟

楊文仲

王應麟

黃震

卷第五十一江萬里等列傳

南宋書卷五十九

江萬里

附謝緒

李庭芝

附姜才 趙淮

陳文龍

附高談 林空齋

汪立信

附趙卯發 陳炤 王安節 李成大

楊大異

附劉銳 何充 許彪孫 王翊

李誠之

附秦鉅 孫益 王惟忠

李芾

附尹穀 楊霆 陳元桂 唐震 吳楚材 黃介 蕭雷龍

劉士昭

卷第五十一曹友聞等列傳

南宋書卷六十

曹友聞

附陳寅 丁黼

張珏

附王仙

密佑

附米立

張順張貴

附范天順 牛富 邊居誼 司馬夢求

馬瑩

附張鎮孫 鄧得遇 劉子薦 鄧光薦



第十卷

卷第五十三文陸謝張列傳十四本

南宋書卷六十一

文天祥

附趙時賞 趙希洎 趙益壘 劉子俊 劉沐 陳繼周 韋信 何時 張千載

陸秀夫

附劉鼎孫 謝枋得 附徐應鑣 陳奎 高應松

張世傑

附劉師勇 蘇劉義

卷第五十四馬章陳家列傳

南宋書卷六十二

馬廷鸞

章鑑

陳宜中

家鉉翁

附張山翁 鄭思肖 謝翱 唐珪 汪元量

卷第五十五儒林文苑列傳

南宋書卷六十三

儒林

凡二十四人

洪興祖

高閔

程大昌

郭雍

方慤

陳澔

王庭珪

陳德一

唐仲友

俞

郭緒

葉秀發

喻偁

曾民瞻

魯伯能

饒魯

輔廣

方逢辰

吳儼王遇陳淳

熊禾

何夢桂

尹起莘

劉有益

鄭君老

文苑

凡十一人附二人

陳與義

陳克

曾紆

附子惇

張卽之



王綯

康與之

羅椿

劉遇

劉辰翁

王伯芻

龔開

卷第五十六循吏酷吏列傳

南宋書卷六十四

循吏 凡八人

趙汝倣

許子良

鄭輪

邱耒

莊壬

張瑄

黃瑀

石密

酷吏 凡三人

林復

趙希漢

卷第五十七獨行方技逸民列傳 南宋書卷六十五

獨行 凡三人

龔明之

翁蒙之

趙廣

方技 凡六人

許公言

康庶

皇甫坦

王克明

何中立

孫守榮

逸民 凡十五人

褚承亮

蘇庠

姚平仲

沈瑄

吳若

蘇雲卿



譙定雍孝閔尹天民

胡暉

龍可趙九齡

南安翁

王鼎翁

張澗之

陳存章鑄

游汶徐俊

孫潼發

卷第五十八烈女列傳

凡三十三人附傳

南宋書卷六十六

王氏二婦

徐氏

榮氏

何氏

董氏

譚氏

劉氏

張氏

師氏

王氏

廖氏

王氏

曾氏婦

王襄妻

涂端友妻

詹女

陳孝女

劉生妻

謝泌妻

謝枋得妻

王貞婦

趙淮妾

譚婦

吳中孚妻

呂仲洙女

林老女

董八娜

韓希孟

王貞婦

鄭覃妻

劉仝子妻

毛惜惜

卷第五十九外戚列傳

凡十一人附傳

南宋書卷六十七

孟忠厚

鄭興裔



韋淵

錢忱

邢煥

吳益吳蓋

潘永思

夏執中

李道

韓同卿

楊欠山

附子谷石

卷第六十宦官佞倖列傳

南宋書卷六十八

宦官

凡八人

邵成章

關禮

藍珪康履

馮益

張去爲

陳源

甘昇

董宋臣

佞倖

凡五人

王繼先

曾覲

張說

王抃

姜特立







凡四年

大元帥府乙亥帝率兵離相州丁丑次大名府宗澤梁楊祖各以兵數千至張俊苗傅楊沂中田師中皆在麾下兵威稍振會密詔金人議和可屯兵近甸毋輕動宗澤請直趨澶淵帝用汪伯彥等議趨東平

建炎元年春二月庚辰帝如濟州三月丁酉金人立張邦昌為帝尋挾徽宗欽宗北去夏四月癸亥張邦昌尊哲宗廢后孟氏為宋太后遣人訪帝於濟州丁卯謝克家以大宋受命之寶至濟州宗澤來言南京乃藝祖興王之地取四方中漕運尤易遂決意趨應天是夕張邦昌手書上延福宮太后尊號曰元祐皇后入居禁中自是垂簾聽政甲戌皇后手書告中外曰比以敵國興師都城失守祧纏宮闕既二帝之蒙塵誣及宗祊謂三靈之改卜眾恐中原之無統姑令舊弼以臨朝雖義形於色而以死為辭然事迫於危

帝即位

而非權莫濟內以振黔首將亾之命外以紓隣國見逼之威遂成九廟之安坐免一城之酷乃以衰癯之質起於閒廢之中迎置宮闈進加位號舉欽聖已還之典成靖康欲復之心慨思運數之屯坐視邦家之覆撫躬獨在流涕何從緬惟藝祖之開基實自高穹之眷命歷年二百人不知兵傳序九君世無失德雖舉族有北轅之釁而敷天同左袒之心乃眷賢王越居近服已徇羣情之請俾膺神器之歸繇康邸之舊藩嗣宋朝之大統漢家之厄十世宜光武之中興獻公之子九人惟重耳之尚在茲為天意夫豈人謀尚期中外之協心同定安危之至計庶臻小惕用底丕平爰敷告於多方共深明於吾意癸未帝至應天府乙酉張邦昌至伏地慟哭請死帝慰撫之王時雍等奉乘輿服御至羣臣勸進者益眾命築壇府門之左五月庚寅朔帝登壇受命禮畢慟哭遙謝二帝即位



耿南仲罷

於府治改元建炎大赦張邦昌及應子供奉金國之人一切不問中外臣庶許直言雖詆訐亦不加罪蔡京童貫朱勔李彥孟昌齡梁師成譚稹及其子孫更不收叙內外大臣限十日各舉布衣有材畧者一人以黃潛善爲中書侍郎汪伯彥同知樞密院事元祐皇后在東京撤簾辛卯遙尊乾龍皇帝爲孝慈淵聖皇帝尊元祐皇后爲元祐太后詔史官辨宣仁聖烈皇后誣謗壬辰張邦昌封同安郡王癸巳遙尊母賢妃韋氏爲宣和皇后遙立嘉國夫人邢氏爲皇后耿南仲罷甲午以李綱爲尚書右僕射兼中書侍郎趨赴行在乙未以生日爲天申節馮澥罷以呂好問爲尚書右丞命統制馬忠張換率兵趨河間追襲金人丁酉貶王時雍黃州安置己亥召太學生陳東赴行在庚子論靖康大臣誤國罪李邦彥吳敏蔡懋李悅宇文虛中鄭望之李鄴並貶遠州安置丙午以誣謗

宣仁聖烈皇后追貶蔡確蔡卞邢恕蔡懋官以姚古知河南府金人破河中府權府事郝仲連死庚戌以宗澤知襄陽府丙辰罷監察御史張所尋責江州安置是月置御營司命黃潛善兼御營使汪伯彥副之以王淵爲都統制劉光世提舉一行事務韓世忠張俊爲左軍前軍統制楊惟忠主管殿前公事西道北道總管王襄趙野坐勤王稽緩連貶永州邵州安置張叔夜北遷至界河死六月己未朔李綱至行在獻十議辛酉貶徐秉哲梅州安置癸亥以黃潛善爲門下侍郎張邦昌貶潭州安置僞命臣僚王時雍吳玠莫儔孫覲李擢並遠州安置顏博文王紹以下論罪有差甲子命李綱兼御營使賊李孝忠陷夔陽辛未子塼生還元祐黨籍及元符上書人恩數戊寅以汪伯彥知樞密院事遣傅雱使金軍通問二帝己卯置沿河沿淮沿江帥府別置水軍七十七將壬午以張



愨同知樞密院事兼提舉措置戶部財用癸未呂好問罷知宣州  
乙酉以宗澤爲東京留守丙戌詔陝西河北北京東西路募兵人衛  
行在丁亥以張所爲河北西路招撫使括買官民馬勸出財助國  
戊子以錢蓋爲陝西經制使秋七月己丑以王瓌爲河東經制使  
庚寅詔王淵劉光世張俊喬仲福韓世忠分討陳州軍賊杜用京  
東賊李昱及黎驛魚臺潰兵皆平之辛丑復議吳玠莫儔等十一  
人罪遠竄之王寅詔奉元祐太后如東南六宮及衛士家屬從行  
朕當留中原與金人決戰以許翰爲尚書右丞甲辰諫議大夫宋  
齊愈斬都市丙午以范致虛知鄧州脩城池繕宮室儲錢穀以備  
巡幸丙辰上皇自燕山密遣舍人曹勛至賜帝絹半臂書其頰曰  
便可卽眞來援父母帝泣以示輔臣關中盜史斌犯興州僭稱帝  
八月戊午軍校陳通作亂於杭州壬戌以李綱爲尚書左僕射兼

陳東歐陽澈見錄

認

門下侍郎王潛善爲尚書右僕射兼中書侍郎庚午更號元祐太  
后爲隆祐太后辛未召河東經制副使傅亮還行在壬申召布衣  
譙定赴行在癸酉耿南仲貶南雄州安置乙亥用張浚言罷李綱  
壬午用黃潛善言殺上書太學生陳東布衣歐陽澈乙酉許翰罷  
九月壬辰詔曰祖宗都汴垂二百年比年以來圖慮弗臧禍生所  
忽肆朕纂承顧瞻宮室何以爲懷是用權時之宜法古巡狩駐蹕  
近甸號召軍馬朕將親督六師以援京城及河北河東諸路與之  
決戰歸宅故都迎還二聖以稱朕夙夜憂勤之意庚子金人徙二  
帝居霽郡壬寅以王圭代張所尋貶所廣南安置戊申都統制王  
彥渡河擊金人破之復新鄉縣壬子張邦昌賜死併誅王時雍乙  
卯王彥及金人戰敗績奔太行山其裨將岳飛引部曲自爲一軍  
建州軍校張員等作亂軍賊趙萬陷常州又陷鎮江府金人分軍

張邦昌王時雍見錄



賊

一

據兩河州縣冬十月丁巳朔帝登舟幸淮甸先是宗澤屢疏請還京為黃潛善汪伯彥所沮至是復疏請不聽已卯次寶應縣後軍將孫琦作亂丙戌王淵張俊誘趙萬等悉誅之十一月戊子貶李綱鄂州居住真定軍賊張遇陷池州壬辰遣王倫等為金國通問使丙午以張慤為中書侍郎戊申以顏岐為尚書左丞許景衡為尚書右丞郭三益同知樞密院事十二月辛酉王淵入杭州執陳通誅之王戌青州貶將王定作亂殺帥臣曾孝序甲戌金人聞帝幸揚州分兵南侵破同州守臣鄭驤死己卯金人破汝州入西京庚辰金人破華州辛巳金人破潼關經制使王瓊引兵遁入蜀軍賊丁進犯壽春府已而詣宗澤降

二年春正月丙戌朔帝在揚州戊子金人破鄧州安撫使劉汲死之京西州郡皆沒乙未金人破永興軍前河東經制副使傅亮以

兵降經畧使唐重等死東平府兵馬鈴轄孔彥舟叛渡淮犯黃州辛丑殿內侍邵成章南雄州編管金人攻鄭州通判趙伯振死之辛亥王淵招降張遇以所部萬人隸韓世忠金人破潁昌府殺守臣孫默二月丙辰金人再薄東京宗澤將閣中立拒戰死甲午金人攻滑州宗澤將張撝戰死乙丑河北賊楊進詣宗澤降復諭降河東賊王善癸酉金人破蔡州執守臣閻孝忠丙子金人克淮寧府守臣向于韶死之丁丑遣王貺充金國軍前通問使祕書正字胡瑄以張浚言其黨李綱奪官編管梧州三月辛卯金人破中山府丁酉金帥黏罕夾西京去庚子河南統制翟進復西京金人畧鳳翔涇原吳玠擊敗之夏四月丙辰詔文臣從官至牧守武臣管軍至遙郡各舉所知二人戊午宗澤將趙世興復滑州庚申帝諭輔臣曰故事自五月至八月罷講筵朕以寡昧履茲艱難方夙夜



張懋卒

宗澤卒

孜孜于經史若如故事則累月當廢疑義無所質朕欲勿罷可乎  
羣臣皆稱善乙丑金帥兀室復入西京尋棄去隴右都護張巖及  
金人戰於五里坡敗績死五月乙酉許景衡罷丙戌命參酌元祐  
科舉條制立詩賦經義分試法戊子以朱勝非為尚書右丞辛卯  
以金兵渡河遣韓世忠逆戰丙申復命宇文虛中充金國祈請使  
虛中降金癸卯中書侍郎張懋卒甲辰金帥婁宿破絳州己酉秀  
州卒徐明作亂命張俊討平之因擅殺前秀州守趙叔近以王庶  
節制陝西六路軍馬曲端為節制司都統制秋七月丙戌東京留  
守宗澤卒辛丑以春霖夏旱蝗詔監司郡守條上闕政甲辰以杜  
充為東京留守八月甲寅初鑄御寶三甲戊戌中侍御史馬伸言  
黃潛善汪伯彥罪詔罷伸尋貶監濮州酒稅捉殺使李成叛犯宿  
州金人徙二帝居韓州九月癸巳金人攻冀州將官李政死甲午

郭三益卒

金人再攻永興軍辛丑陝西節制使兵官賀師範及金人戰於八  
公原死丁未東京統制官薛廣及金人戰于相州死己酉同知樞  
密院事郭三益卒冬十月甲子命孟忠厚奉隆祐太后幸杭州翟  
進擊楊進於鳴臯山戰死劉正彥擊丁進降之十一月辛巳朔  
李綱萬安軍安置壬辰金人破延安府通判魏彥明死乙未金人  
破濮州執守臣楊粹中不屈死又破開德府守臣王棣死以魏將  
可充金國軍前通問使壬寅冬至祀昊天上帝於園丘以太祖配  
大赦金人破相州守臣趙不試死甲辰破德州兵馬都監趙叔皎  
死是月金人破普寧軍守臣徐徽言拒却之知府州折可求以城  
降濱州賊蓋進陷棣州守臣姜剛死之建州賊葉濃降復變張俊  
禽斬之吳玠襲誅史斌王淵殲東京降賊李民之眾留民為將十  
二月庚申金人破東平府又破濟南府守臣劉豫以城降甲子金

史斌見誅



人破大名府提點刑獄郭永罵敵死丙寅初命脩國史己巳以黃潛善為尚書左僕射兼門下侍郎汪伯彥為尚書右僕射兼中書侍郎顏岐門下侍郎朱勝非中書侍郎盧益同知樞密院事戊寅以禮部侍郎張浚兼御營參贊軍事高麗遣使尹彥頤來報聘且謝過

配二

張遇戰死

三年春正月庚辰朔帝在揚州甲申以路允迪簽書樞密院事辛卯都統制邵興復虢州庚子張用王善寇淮寧府守臣馮長寧却之丙午金帥黏罕破徐州守臣王復死韓世忠軍潰於沐陽其將張遇戰死金兵執淮陽守臣李寬殺轉運使李跋以騎兵三千取彭城間道趨淮甸二月庚戌朔聽士民從便避兵劉正彥部兵衛皇子六宮如杭州壬子帝被甲得小舟渡江知軍錢伯言迎入鎮江黏罕游騎至瓜州禮官李陵奉九廟神主行道失太祖神主王

徐徽言戰死

淵請幸杭州以呂頤浩為江淮制置使劉光世充行在五軍制置使駐鎮江府楊惟忠節制江東軍馬駐江寧府癸丑發鎮江次呂城鎮丙辰次平江府戊午次吳江縣命朱勝非節制平江府秀州控扼軍馬張浚副之又命勝非兼御營副使留王淵守平江用勝非計錄用張邦昌親屬謝金人庚申呂頤浩拜同簽書樞密院事屯京口命張浚守吳江壬戌駐蹕杭州卽州治為行宮金人破普寧軍守臣徐徽言死癸亥下詔罪己乙丑放還士大夫被竄斥者惟李綱罪在不赦用黃潛善計以謝金人也戊辰金人焚揚州而去己巳黃潛善汪伯彥並以罪罷以葉夢得為尚書左丞張澂為尚書右丞未幾夢得罷呂頤浩遣將陳彥復揚州三月己卯日中有黑子庚辰以朱勝非為尚書右僕射兼中書侍郎以王淵同簽書樞密院事以呂頤浩為江南東路安撫制置使知江寧府時扈



從統制苗傅忿王淵驟進劉正彥怨賞功薄又疾閹宦用事恣橫乃勒兵向闕殺王淵及內侍康履以下百餘人迫帝遜位於皇子請隆祐太后臨朝帝移御顯寧寺甲申尊帝為睿聖仁孝皇帝以顯寧寺為睿聖宮大赦丁亥分竄內侍監珪曾擇等于遠州苗傅追擇還殺之戊子以王孝迪為中書侍郎盧益為尚書左丞張浚呂頤浩及張俊劉光世韓世忠會兵勤王己丑改元明受庚寅百官始朝睿聖宮苗傅等以御營中軍統制吳湛主管步軍司壬寅盧益罷癸卯呂頤浩張浚傳檄中外討傅正彥丁未呂頤浩張浚次吳江朱勝非召傅正彥至都堂議復辟傅等遂朝睿聖宮盜邵青掠泗州金人破東京諸郡撻懶以劉豫知東平府節制河南州郡趙立復徐州夏四月戊申朔太后下詔還政皇帝復尊位帝還宮詔尊太后為隆祐皇太后庚戌復紀年建炎命張浚知樞密院

事苗傅劉正彥並檢校少保呂頤浩張浚敗賊將苗翊馬柔吉於臨平傅正彥引兵夜遁辛亥皇太后撤簾呂頤浩等入見癸丑右相朱勝非及執政顏岐王孝迪張澂路允迪俱罷以呂頤浩為尚書右僕射兼中書侍郎李昉為尚書右丞鄭穀簽書樞密院事甲寅劉光世韓世忠張俊及勤王所僚屬將佐進秩有差斬中軍統制吳湛工部侍郎王世偁于市己卯大赦舉行仁宗法度應嘉祐條制與今不同者自官制役法外賞格從重條約從寬罷上供不急之物元祐石刻黨人官職恩數追復未盡者令其家自陳丁巳禁內侍交通主兵官庚申重正三省官名左右僕射並帶同中書門下平章事改門下中書侍郎為參知政事省尚書左右丞併省館學寺監等官以李昉參知政事丁卯帝發杭州留鄭穀衛皇太后壬申立子粦為皇太子劉文舜寇濠州西北賊薛慶據高郵軍



五月戊寅朔帝次常州以張浚爲宣撫處置使以川陝京西湖南  
北路隸之聽便宜黜陟辛巳次鎮江府癸未以滕康同簽書樞密  
院事乙酉至江寧府改府名建康起復朝散郎洪浩爲金國通問  
使金人拘之丁亥召內侍監珪等速還朝辛丑張浚諭降薛慶還  
復命知樞密院事韓世忠追獲劉正彥苗傅送行在翟興擊殺楊  
進其黨復推劉可拒官兵六月己酉以久雨求直言庚申皇太后  
至建康府辛酉以久陰下詔以四失罪已一曰昧經邦之大畧二  
曰昧戡難之遠圖三曰無緩人之德四曰失馭臣之柄仍榜朝堂  
徧諭天下丁卯右司諫袁植請誅黃潛善權邦彥等九人罷植知  
池州乙亥京西賊貴仲正降金人破磁州秋七月辛巳苗傅劉正  
彥伏誅甲申詔以苗劉之變當軸大臣不能身衛社稷朱勝非顏  
岐路允迪並落職張浚衡州居住丁亥皇太子勇薨戊子簽書樞

密院事鄭穀卒己丑以王綯參知政事周望同簽書樞密院事仙  
井貢士李時雨上書乞選立宗子帝怒斥之辛卯帝將定都杭州  
升爲臨安府壬辰范瓊請貸左言等死劉子羽乞誅之詔召瓊赴  
都堂收之卽賜死乙未遣謝亮使夏國丁酉遣崔縱使金軍前王  
寅命李邴滕康權知三省樞密院事扈從太后如洪州以杜充同  
知樞密院事乙巳山東盜郭仲威陷淮陽軍八月庚戌李邴罷壬  
子以劉珪權同知三省樞密院事辛卯遣杜時亮使金軍前閏月  
己丑以呂頤浩爲尚書左僕射杜充爲尚書右僕射並同中書門  
下平章事庚寅起居郎胡寅上書言二十事呂頤浩不悅罷之辛  
卯命杜充兼江淮宣撫使守建康前軍統制王玘隸之韓世忠爲  
浙西置制使守鎮江劉光世爲江東宣撫使守太平池州皆受充  
節制九月丙午朔日有食之壬子金人破單州興仁府遂克南京



癸丑以張守同簽書樞密院事以周望總兵守平江命劉光世移屯江州丙辰遣張邵充金國軍前通問使金人囚之張浚承制罷知潭州辛炳起復直龍圖閣向子諲代之甲戌金帥婁宿攻長安冬十月癸未帝至臨安復如越州辛卯李成陷滁州殺守臣向子伋戊戌張浚治兵于興元府庚子金人破黃州守臣趙令晟死辛丑金人自黃州濟江劉光世引軍遁江州破金人趨洪州京西賊劉滿陷信陽軍殺守臣趙士貞十一月戊申金帥兀朮攻和州守臣李儔以城降鈴轄宋昌祚通判唐琛等死己酉兀朮攻無爲軍壬子太后退保虔州丁巳金人攻臨江軍戊午遣孫悟等充金國軍前致書使金人破洪州權知州事李積中以城降撫袁二州守臣王仲山王仲凝皆降庚申金人破眞州辛酉太后至吉州壬戌金人破溧水縣尉潘振死之癸亥金人破太平州甲子杜充遣都

統制陳淬岳飛等及金人戰於馬家渡王瓌先遁淬敗績死乙丑太后如太和縣護衛統制杜彥及後軍楊世雄率衆叛犯永豐縣知縣事趙訓之死金人至太和縣太后自萬安陸行如虔州丁卯詔曰國家遭金人侵逼無歲無兵朕纂承以來深軫念慮謂父兄在難而吾民未撫不欲使之陷於鋒鏑故包羞忍恥爲退避之謀冀其逞志而歸稍得休息自南京移淮甸自淮甸移建康而會稽播遷之遠極於海隅卑辭厚禮使介相望以至願去尊稱甘心貶屈請用正朔比於藩臣遣使哀祈無不曲盡假使金石無情亦當少動累年卑屈卒未見從生民嗷嗷何時寧息今諸路之兵聚於江浙之間朕不憚親行據其要害如金人尚容朕爲汝兵民之主則朕於事大之禮敢有不恭或必用兵窺我行在傾我宗社塗炭生靈竭取東西金帛子女則朕亦何愛一身不臨行陣以踐前言



以南羣生朕已取十一月二十五日移蹕前去浙西爲迎敵計惟我將士人民念國家涵養之恩二聖拘縻之辱悼殺戮殘焚之禍與其束手待斃曷若并計合謀同心戮力奮厲而前以存國家金人破吉州又破六安軍已巳帝發越州以周望同知樞密院事范宗尹參知政事辛未金人至建康府宣撫使杜充叛降通判楊邦又不屈死帝如明州淮西兵馬都監王宗望以濠州降於金淮賊劉忠入舒州殺通判孫知微盜桑仲自唐州犯襄陽據之十二月丙午帝至明州丁丑江淮潰將戚方叛犯鎮江殺守臣胡唐老辛巳金人破常州又破廣德軍守臣周烈死壬午定議航海避兵甲申張浚承制拜曲端爲威武大將軍都統制乙酉兀朮薄臨安府守臣康允之棄城遁錢塘縣令朱蹕死己丑帝次定海縣乙未杜彥犯潭州殺通判孟彥卿趙民彥金人屠洪州戊戌金人攻越州

安撫使李鄴以城降衛士唐琦死庚子帝移幸温台高麗來貢詔却其使

庚三

四年春正月甲辰朔帝舟居于海丙午次章安鎮庚戌張俊棄明州丁巳金帥婁宿破陝州守臣李彥仙死己未金人破明州乘勝破定海以舟師來襲御舟張公裕擊退之甲子帝舟泊温州港口丁卯京西賊劉可死其黨復推劉超據荆門軍二月甲戌朔河北盜鄺瓊詣劉光世降叛將傅選詣虔州降乙亥奉安祖宗神御於福州以盧益李回並權知三省樞密院事金人破潭州將吏王暎劉价趙聿之戰死守臣向子諲奪門亡去金兵屠其城丁亥金人自臨安引兵北還入汴京權留守上官晤出奔丙申張浚承制以王似知成都府金游騎至平江周望棄軍奔太湖兀朮八城焚掠死者五十萬人辛丑鼎州民鍾相作亂自稱楚王陷澧州殺守臣



黃宗權湖北制置使傅秀招降孔彥舟以爲湖南北捉殺使三月  
甲寅遣盧益等奉迎太后於虔州丁巳金帥兀朮至鎮江府韓世  
忠屯金山寺邀擊之辛酉御舟發温州御營前軍將楊勅叛甲子  
張浚請便宜辟官不許戊辰孔彥舟擒鍾相及其子子昂檻送行  
在誅之己巳戚方陷廣德軍殺通判王壽夏四月戊寅吳玠及金  
帥婁室戰於邠州敗績部將楊晟死癸未帝越州還甲申下詔親  
征巡幸浙西韓世忠駐軍揚子江要金人歸路兀朮引軍走建康  
丙申罷呂頤浩韓世忠及兀朮再戰江中世忠敗績己亥以張浚  
爲浙西江東制置使王德破信州賊王宗石誅劉文舜於饒州金  
人攻江西者自荆門引去留守司統制牛臯潛軍寶豐擊敗之五  
月甲辰以范宗尹爲尚書右僕射兼御營使壬子金人焚建康府  
執李悅陳邦光而去淮南統制岳飛邀擊於靜安鎮敗之癸丑詔

臺諫等官各舉所知二人以張守參知政事趙鼎簽書樞密院事  
乙卯王綯罷甲子周望罷乙丑置京淮湖南諸路鎮撫使以翟興  
孟汝趙立劉位趙霖李成吳翊李彥先薛慶分領之淮西敗將崔  
增陷焦湖水砦六月辛未朔詔侍從臺諫諸將集議駐蹕事宜甲  
戌罷御營司以范宗尹兼知樞密院事庚辰復置鎮撫使六人以  
陳規解潛程昌寓陳求道范之才馮長寧分領之內戚戚方詣張  
俊降以郭仲威爲真揚州鎮撫使乙未郭仲威復叛犯鎮江府兀  
朮自六合引兵趨陝西秋七月癸卯詔軍興以來諸州得便宜指  
揮者並罷戊申以孔彥舟爲辰沅靖州鎮撫使乙卯金人徙二帝  
居五國城庚申以岳飛爲通泰州鎮撫使辛酉建州民范汝爲作  
亂丁卯金人立劉豫爲齊帝張用降八月辛未朔以謝克家參知  
政事壬申李成請降於江州詔撫納之庚辰薛慶及金人戰於揚



州城下死癸未盧益罷丙戌命李成吳翊捍禦上流翊棄城去戊戌范宗尹請官桑仲以為襄陽鎮撫使九月甲辰太上皇后鄭氏崩於五國城戊申劉豫僭位於北京乙卯桑仲陷均房州丙辰金人攻楚州鎮撫使趙立死丁巳李成復叛遣馬進犯興國軍戊午荆襄賊趙延壽犯德安府陳規拒却之癸亥張浚合五路兵軍於富平為婁室所襲不戰而潰遺棄軍資無算戊辰金人克楚州鎮撫使李彥先敗死冬十月庚午朔張浚遷怒於環慶經畧使趙哲斬之哲將慕洵以環慶附於西夏涇原將張仲彥趙彬叛降金浚退保秦州陝西大震辛未秦檜自金將撻懶軍中歸丁亥以李回同知樞密院事馮長寧叛附劉豫江東賊張琪犯建康府虔州賊李敦仁破石城縣鍾相王善餘黨楊華祝友復亂十一月癸卯呂頤浩復南康軍甲辰趙鼎罷丁未以富直柔簽書樞密院事以秦

凡冊年

辭四

檜為禮部尚書壬子日南至帝率羣臣遙拜二帝丁巳王彥攻桑仲於黃水破之張浚承制以王彥為金均房州鎮撫使張浚退軍興州吳玠收餘兵保和尚原崔增詣呂頤浩降十二月甲午金人再克熙州總管劉惟輔被執死丁酉范汝為降未幾復叛交趾請入貢却之張浚奪曲端兵安置興州

紹興元年春正月己亥朔帝在越州帥百官遙拜二帝自是歲如之戊申以羣盜據湖南命張浚為江淮路招討使岳飛副之辛亥謝克家罷辛酉詔太祖創業垂統德被萬世子孫為安定郡王有司其上應襲封人名依故事舉行二月辛巳以秦檜參知政事三月丙午孔彥舟復叛焚掠潭州趨衡州金人逼興州張浚退保閬州夏四月庚辰皇太后孟氏崩京西賊李忠陷商州五月戊戌以張用為舒蘄鎮撫使癸卯作大宋中興寶成金人攻和尚原吳玠



擊敗之丙午初復召試館職之制劉光世遣將王德襲揚州執郭仲威以獻伏誅壬戌邵青圍太平州劉光世招降之趙延壽據分寧縣呂頤浩招降之是月張俊及李成戰於黃梅縣殺馬進成敗遁歸劉豫張用復叛寇江西岳飛招降之六月壬午權攢孟皇后於越州邵青復叛犯江陰軍賊鄧慶龔富南安賊吳忠宋破壇劉洞天並作亂張浚承制以吳玠為陝西諸路都統制時關隴六路盡陷止餘階成岷鳳洮五郡鳳翔之和尚原隴州之方山原黏罕既得陝西地悉與偽齊秋七月丙午撻懶自宿遷北歸癸亥范宗尹罷虔州賊陳作亂八月丙寅以孔彥舟為斬黃鎮撫使丁卯張浚殺曲端於恭州獄戊辰參知政事張守等上紹興重修敕令格式戊寅張守罷以李回參知政事富直柔同知樞密院事丁亥以秦檜為尚書右僕射同中書門下平章事兼知樞密院事下

詔追贈程頤直龍圖閣九月辛亥大饗明堂太祖太宗並配大赦錄用元符上書人子孫癸丑復以呂頤浩為尚書左僕射同中書門下平章事知鄂州曹成掠湖西犯沅州與知復州李宏合屯瀏陽既而攻宏宏奔潭州冬十月乙丑李回罷己巳王德復招邵青降之庚午以孟庾參知政事癸酉兀朮攻和尚原吳玠及弟璘力戰大敗之己丑升越州為紹興府十一月丙申遣內侍撫問孔彥舟桑仲丁酉榜諭福建江東羣盜赦其脅從者戊戌詔移蹕臨安以孟庾為福建江西荆湖宣撫使韓世忠副之辛丑詔續編紹興太常因革禮庚戌富直柔罷十二月戊寅以彗出求直言己丑起復吳玠為鎮西軍節度使吳玠始遣人通信夏國

子  
五

南宋書

卷一本紀一

十四

清英山房



西副總管楊惟忠誘楊勅誅之二月甲子降盜楊華復叛擾鼎澧  
潭三州庚午以李綱爲湖廣宣撫使仍命岳飛等共討曹成諸盜  
丁丑分崔增李捧邵青邵延壽李振單德忠徐文所部兵爲七將  
名御前忠銳軍隸步軍司非樞密奉旨不許調遣知商州董先叛  
入劉豫三月壬辰朔再貶徐秉哲吳玠莫儔戊戌以李光爲江東  
安撫大使庚子金人攻方山原統制楊政拒退之辛丑又攻隴安  
縣吳璘擊走之桑仲請合諸鎮兵復中原郢州守將霍明襲殺仲  
仲將李橫擊走明夏四月丙寅賜進士張九成及第庚午以翟汝  
文參知政事壬午詔內外侍從監司守臣各舉中原流寓士大夫  
以備任使癸未詔曰朕登庸二相倚遇惟均其所薦用之人不得  
偏私離間朋比害政戊子命呂頤浩都督江淮荆浙諸軍事庚寅  
劉豫徙居汴京王彥破董先復商州閏月乙卯宣撫使劉光世父

喪起復五月辛酉以權邦彥簽書樞密院事辛未選宗室子伯琮  
育宮中丙子呂頤浩總師至常州部將趙延壽兵叛於呂城鎮頤  
浩稱疾不進尋召還甲申親慮囚自是歲如之丙戌置備政局命  
秦檜提舉詔侍從以下暨監司守令條具省費裕國強兵息民之  
策戊子手詔用建隆故事命百官日輪一人轉對兩浙轉運副使  
徐康國獻銷金屏障毀之奪其二官韓世忠招曹成降之六月辛  
丑以李橫爲襄郢鎮撫使壬寅參知政事翟汝文致仕孔彥舟叛  
降僞齊頒黃庭堅所書戒石銘於州縣秋八月壬辰以孟庾兼權  
同都督江淮荆浙諸軍事甲午禁買花木珍禽臨安諸門不得放  
入戊戌召朱勝非提舉醴泉觀兼侍讀戊申給事中胡安國以論  
朱勝非罷甲寅秦檜罷給事中程瑀等二十餘人坐論駁朱勝非  
並落職彗出胃九月戊午朔落秦檜職辛酉以彗出大赦求直言



壬戌王倫使金還復遣潘致堯等爲金國軍前通問使附茶藥金幣進兩宮乙丑復以朱勝非爲尚書右僕射同中書門下平章事兼知樞密院事丙戌以王似爲川陝宣撫處置副使是月韓世忠將解元破劉忠于蘄陽忠奔劉豫冬十月甲辰潘致堯至楚州通判劉晏劫其禮幣奔劉豫守臣柴春戰死十一月甲戌命李綱劉洪道程昌寓解潛會兵討湖寇楊太戊寅范汝爲餘黨范忠復作亂馬友黨步諒詣李綱降綱入潭州其黨郝政降王進吳錫禽王浚湖南盜悉平十二月甲午李綱罷甲辰召張浚還未至金人攻和尚原將士乏食自潰吳璘夜拔砦棄去虔賊謝達犯惠州臨安連大賑被災家封李陽煥爲交趾郡王高麗來貢

庚六

三年春正月丁巳朔帝在臨安甲子李橫復穎昌府乙丑金人破金州王彥焚積聚退保西鄉辛未造渾天儀庚辰詔春秋望祭諸

陵二月己丑權邦彥卒辛卯王彥引兵會吳玠于饒風關金人分兵攻之關破師潰四川大震己亥金帥朶八興元劉子羽走三泉縣吳玠退屯仙人關張浚急起王庶經畧庶散榜境上朶至金牛恐庶危之乃由斜谷還興元庚子以宗子伯琮爲和州防禦使賜名瑗辛亥以席益參知政事徐俯簽書樞密院事壬子胡舜陟諭王全降三月甲子李橫傳檄諸軍收復東京金兵援劉豫橫敗走穎昌復破李綱擊李宗諒降之夏四月辛亥水軍統制徐文叛奔僞齊湖寇楊太僭稱大聖天王立鍾相少子子儀爲太子張憲斬彭友劉忠爲其下所斬五月壬戌潘致堯使金還言金人欲重臣通使以取信遂寢出師之議丁卯以韓肖胄同簽書樞密院事充金國軍前通問使乙亥禁邊兵犯齊境丙子王彥復金州金兵棄均房去己卯詔周隨亨李愿宣押王似盧法原至閬州張浚始解



使事庚辰詔李橫等收軍還鎮辛巳罷宣撫司便宜黜陟六月甲午命王瓌率諸軍討楊太丁未置國子監及博士弟子員己酉岳飛平虔廣羣盜自虔州班師秋七月己未復置博學宏詞科癸未宰相呂頤浩以旱乞罷詔曰與其去位曷若同寅協恭交修不逮思所以克厭天心者頤浩乃視事乙亥右僕射朱勝非母喪起復九月戊午呂頤浩罷乙亥以劉光世置司池州韓世忠置司鎮江王瓌置司鄂州岳飛置司江州冬十一月己未以王倫爲都督府參議官癸亥崔增吳全遇湖賊於陽武口死之甲子韓肖胄使金還乙亥復元祐十科舉士法臨安屢火僞齊兵陷襄陽郢州李橫等棄城去南丹州蠻莫公晟圍觀州焚寶威監殺知監陳烈大理求入貢及售馬詔却之

甲

四年春正月辛亥朔帝在臨安府乙卯遣張誼爲金國通問使已

卯韓肖胄罷二月癸未席益罷乙酉以徐俯兼參知政事己亥詔三衙管軍及將帥觀察使以上舉忠勇知畧可自代者一人三月辛亥朔吳玠率楊政吳璘田晟王喜諸將與兀朮戰於仙人關大敗之兀朮遁去戊午以趙鼎參知政事壬戌召孟庾還罷都督府以其兵屬張俊乙丑張浚連貶福州居住夏四月癸未劉子羽白州安置丙戌吳玠復鳳秦隴三州甲午制置使關師古叛以洮岷二州降齊吳玠并將師古軍丙午徐俯罷五月庚戌朔以岳飛兼黃復漢陽德安制置使癸丑以范冲直史館重修神宗哲宗正史實錄甲寅岳飛復郢州丙寅李成棄襄陽遁岳飛復取之丙子復選宗室子伯玖育宮中六月岳飛將牛臯復隨州秋七月戊申朔以胡松年簽書樞密院事壬戌岳飛將王貴張憲復鄧州己巳湖賊萬餘人詣鼎灃二州降庚午王貴張憲復唐州信陽軍襄陽悉



平八月庚辰以趙鼎知樞密院事改命川陝荆襄都督諸軍事乙未遣魏良臣爲金國通問使丙申毀王安石舒王誥壬寅王似罷王瓌討賊無功貶以岳飛爲湖北制置使討湖賊九月辛酉大饗明堂用皇祐典禮諸神配祀大赦庚午朱勝非罷金齊合兵來攻癸酉以趙鼎爲尚書右僕射同中書門下平章事兼知樞密院事沈與求參知政事冬十月丙子朔與趙鼎定策親征癸未召張浚提舉萬壽觀兼侍讀戊申韓世忠邀擊金人于大儀鎮敗之又將董收敗之于天長鴉口橋己丑金人攻承州韓世忠將成閔解元合擊于北門敗之丙申命後宮自温州泛海如泉州戊戌帝御舟發臨安劉錫楊沂中以禁兵扈從壬寅帝次平江加贈陳東歐陽澈官追咎汪伯彥黃潛善更不追復十一月壬子下詔聲劉豫逆罪以厲六師吳玠將楊從儀等敗金人于臘家城乙卯韓世忠夜

劫金營于承州破之己未復命張浚知樞密院事癸亥王德擊金人于滁州之桑根敗之己巳劉光世將王師晟等襲金人於南壽春府敗之執僞齊知府王靖詔張浚視師江上十二月壬辰金齊兵逼廬州岳飛將徐慶牛臯敗走之張宗顏敗之于六合庚子金人退師命吳玠通信夏國保靜州夷人來貢

八

五年春正月乙巳朔日有食之帝在平江府己酉詔羣臣各條上攻戰備禦措置綏懷之策辛亥召張浚還壬戌以韓世忠駐鎮江劉光世駐太平張俊駐建康己巳金主晟殂兄之孫亶立壬申以劉光世韓世忠有隙賜酒諭釋之皆感激奉詔二月壬午帝還臨安丙戌以趙鼎爲尚書左僕射張浚爲尚書右僕射並同中書門下平章事兼知樞密院事都督諸路軍馬丁亥吳璘楊政拔秦州己丑建太廟於臨安齊商元寇信陽軍守臣舒繼明被禽閏月丁



未胡松年罷丁卯王瓌責貶三月乙未初權鉛錫張浚視師潭州  
夏四月丁未召解潛還諸州鎮撫使悉罷壬子訪柴氏後襲封崇  
義公甲子太上皇帝崩於五國城五月辛巳遣何蘄等使金通問  
二帝已丑以孟庾知樞密院事戊戌進封瑗建國公以待制范冲  
兼資善堂翊善起居郎朱震兼贊讀辛丑命川陝訪求元祐黨人  
子孫六月乙巳班統元歷湖賊楊欽全琮劉詵詣岳飛降飛急攻  
湖賊木砦賊將陳瑁降楊太赴水死湖湘平戊午滅福建貢茶歲  
額之半秋七月戊寅趨張浚還朝乙卯孟庾罷甲午韓世忠復鎮  
淮軍八月己未下詔暴章惇蔡卞詆誣宣仁聖烈皇后罪子孫不  
許在朝冬十月乙卯以席益爲四川李綱爲江西呂頤浩爲湖南  
各制置大使十一月丙戌命張浚視師荆襄川陝十二月己亥朔  
以岳飛爲荆湖南北招討使楊沂中權主管殿前司

丙  
九

六年春正月壬午賜宗子伯玖名璩爲和州防禦使二月庚子與  
營田甲寅以折彥質簽書樞密院事癸亥沈與求罷張浚至江上  
會諸將議事命張俊進屯盱眙夏四月甲辰齊兵陷唐州丙午岳  
飛母喪去官詔起復六月己巳朔夜地震己酉求直言甲寅張浚  
撫淮上諸屯命劉光世進屯廬州岳飛進屯襄陽楊沂中屯泗州  
秋七月劉光世復壽春府八月庚子吏部員外郎陳公輔言今日  
之禍實王安石邪說所致帝喜授左司諫賜三品服甲辰詔親征  
劉豫岳飛破齊將李成孔彥舟於蔡州九月丙寅朔帝發臨安岳  
飛復廬氏縣癸酉帝次平江壬午岳飛還鄂州劉豫起兵三十萬  
命子麟姪猊入寇冬十月丁酉劉麟寇淮西甲辰楊沂中大敗劉  
猊于藕塘猊遁麟在順昌聞之拔砦去孔彥舟解光州圍去十二  
月甲午朔張浚入見請幸建康趙鼎請還臨安戊戌韓世忠敗金



巳丁  
十

人于淮陽軍壬寅趙鼎罷丙午折彥質罷辛亥以張守參知政事  
已未左司諫陳公輔乞禁程氏學詔士大夫之學宜以孔孟爲師  
庶幾言行相稱可濟時用

七年春正月癸亥帝在平江府詔移蹕建康癸未以陳與義爲參  
知政事沈與求同知樞密院事乙酉復置樞密副使等員以張浚  
兼樞密使丁亥以秦檜爲樞密使何藪范寧之使金還始聞上皇  
及寧德皇后鄭氏崩二月癸巳朔日有食之庚子遣王倫等使金  
迎奉梓宮丙辰果州守臣宇文彬等進禾登九穗圖俱奪一官罷  
之三月丁卯以呂祉爲兵部尚書都督府參謀軍事辛未帝至建  
康癸酉岳飛乞併統淮西兵以復京畿陝右許之命飛盡護王德  
將諸軍秦檜以合兵爲疑事遂寢戊寅以沈與求知樞密院事己  
卯下詔畧曰宣和皇后夙擁慶羨是生眇冲廼骨肉之至親偕父

兄而時邁十年地阻懷陟屺凱風之思萬里使還奉上皇寧德之  
諒宜尊爲皇太后令所司擇日奉上冊寶甲申劉光世罷以其兵  
隸都督府張浚因分爲六軍命呂祉節制夏四月戊戌脩濬建康  
城池丁未岳飛乞解官持餘服遂棄軍還廬山庚戌以張浚累陳  
岳飛積慮專在併兵奏牘求去意在要君命張宗元監其軍五月  
乙酉命侍從官通舉材堪知縣者二十人六月丁酉岳飛引過自  
劾詔放罪慰諭之乙巳知樞密院事沈與求卒秋七月戊辰詔侍  
從各舉堪任監司郡守者一二人八月乙未命酈瓊率兵赴行在  
瓊尋叛以兵四萬人奔劉豫殺張景呂祉趙康直九月壬申張浚  
罷癸酉罷都督府甲戌以臺諫累疏落張浚職領祠丙子以趙鼎  
爲尚書左僕射同中書門下平章事兼樞密使辛巳大饗明堂大  
赦冬十月丁酉夜敕張浚安置嶺表以趙鼎請改永州居住閏月



戒  
土

丙寅徵涪州處士尹焞至命爲祕書郎兼崇政殿說書張俊棄時  
貽還建康十一月丁酉金人執劉豫廢爲蜀王癸丑詔來春復幸  
浙西十二月癸未王倫使金還言金國許還梓宮及皇太后又許  
還河南諸州丁亥復遣王倫奉迎梓宮  
八年春正月戊子朔帝在建康府戊戌張守罷二月壬戌岳飛乞  
增兵不許丙寅以胡安國春秋傳成書進寶文閣直學士戊寅帝  
還臨安三月庚寅以劉大中參知政事王庶爲樞密副使壬辰以  
秦檜爲尚書右僕射同中書門下平章事兼樞密使甲午陳與義  
罷己亥封李陽煥子天祚爲交趾郡王夏五月壬寅貶劉子羽漳  
州安置丁未金人遣使與王倫偕來六月壬戌賜衍聖公孔玠衢  
州田秋七月乙酉朔復命王倫及藍公佐奉迎梓宮辛亥彗出東  
方冬十月丁巳劉大中罷甲戌趙鼎罷丁丑金人遣張通古蕭哲

紀  
土

與王倫偕來曰江南詔諭使十一月甲申以孫近參知政事辛丑  
詔金國遣使入境欲朕屈已就和命侍從臺諫詳思條奏從官張  
燾晏敦復魏矼曾開李彌遜尹焞梁汝嘉樓炤蘇符薛徽言御史  
方廷實皆言不可甲辰王庶以沮和議罷辛亥編修官吳銓上書  
請斬王倫秦檜孫近貶昭州編管十二月己未以李光參知政事  
戊辰王倫言金使稱詔諭江南其名不正秦檜以未見國書疑爲  
封冊帝曰朕嗣守祖宗基業豈受金人封冊癸酉館職胡珵朱松  
張擴凌景夏常明范如圭上書極論不可和甲戌以韓肖胄簽書  
樞密院事丁丑詔金國使來盡割河南陝西故地通好於我許還  
梓宮及母兄親族餘無需索令尚書省榜諭庚辰帝不御殿以方  
居諒陰難行吉禮命秦檜攝冢宰受金使書以進始定都於杭  
九年春正月壬午朔帝在臨安府丙戌以金人通和大赦河南新



復州軍以王倫同簽書樞密院事戊子遣判大宗正事士褒兵部侍郎張燾詣河南修奉陵寢三月丁亥進封璩崇國公丙辰王倫為東京留守受地於金帥兀朮得東西南三京壽春宿亳曹單州及陝西京西之地兀朮還燕辛丑以樓炤簽書樞密院事夏人陷府州夏五月丙午鄜延副將李世輔自夏國率所部三十人來歸賜名顯忠六月庚戌皇后邢氏崩于五國城辛亥夏主乾順卒子仁孝立以其屬于金自是廢封冊癸酉澧州推官韓紉坐上書排和議循州編管乙亥王倫使金議事金帥兀朮以撻懶主和有陰謀告金主遂拘倫于中山秋八月庚午遣蘇符等使金賀正旦冬十月辛亥王倫見金主拘于河間遣其副藍公佐先歸甲戌日中有黑子建炎三年至此凡九見十二月甲寅命續編紹興因革禮甲子李光罷改奉祀戊辰兀朮留蘇符等于東京謀復取河南

南宋書 卷一 本紀一 五

輓

十年春三月丙申蘇符自東京還命胡世將與夏人議入貢夏人不報夏四月癸亥命部使者歲舉廉吏一人壬申韓侂胄罷五月己卯金人渝盟兀朮等分四道來侵乙酉金人入東京留守孟庚降河南諸州皆降丙戌金人破拱州守臣王慥死之撒離曷趨永興軍陝西諸州皆降丁亥金人破南京留守路允迪降己丑金人破西京留守李利用棄城遁癸巳知亳州王彥先叛降于金金人破永興軍趨鳳翔丁酉以福建廣東盜起命兩路監司共討之己亥以劉光世為三京招撫處置使時劉錡駐兵順昌府命光世為援壬寅金人圍順昌府劉錡力戰敗之六月甲辰朔以韓世忠張俊岳飛並兼河南北諸路招討使乙巳劉錡將閣充敗金人於順昌之李村己酉吳玠將李師顏戰敗金人於扶風壬子兀朮及孔彥舟龐瓊趙榮等率眾十餘萬攻順昌府劉錡率將士殊死戰初

南宋書 卷一 本紀一 五



秦檜奏命錡擇利班師錡不奉詔戰益力遂大敗之乙卯順昌圍解兀朮還丙辰岳飛將牛皋及金人戰于京西敗之己未郭浩將鄭建充攻破金人於灃州復其城壬戌樓炤父喪去位甲子撒離曷攻青谿嶺王彥率兵戰敗之秦檜奏遣李若虛詣岳飛軍諭指班師庚午韓世忠將王勝成閔至淮陽與金人遇擊敗之岳飛援劉錡與金人戰於蔡州敗之閏月癸酉朔張俊將宋超敗金人於永城丙子金人攻涇州經畧使田晟率兵來救金人敗走甲申晟及金人再戰於涇州敗之金人引歸鳳翔丙戌王德復宿州壬辰岳飛將張憲復潁昌府丙申張憲復淮寧府丁酉郝晟復鄭州李興復汝州又復伊陽等八縣李成遁去韓世忠將王勝王權復海州戊戌王德復亳州酈瓊及葛王褒遁去庚子趙鼎連貶潮州安置秋七月癸卯岳飛將張應韓清入西京會李興復永安軍丙午

以王次翁參知政事己酉岳飛及兀朮戰於鄆城追至朱仙鎮大破之遣使修治諸陵甲寅岳飛遣將楊再興王蘭擊金人於小商橋皆戰死乙卯金人攻潁昌岳飛將王貴姚政合兵力戰敗之王戊岳飛自鄆城還軍皆潰金人追之不及河南諸州郡復失于金八月壬申朔以張九成喻樛陳剛中凌景夏樊光遠毛叔度元盥等七人不主和議皆降黜之丁亥楊沂中自宿州夜襲柳子鎮軍潰而歸金人屠宿州九月壬寅朔遣使諭韓世忠罷兵時秦檜力主和議諸大帥皆還鎮戊申金人復入西京庚戌大饗明堂大赦知代州王忠植舉兵復石代十一州冬十月金人攻慶陽府胡世將命王忠植赴援叛將趙惟清執之降於金忠植不屈死之十一年春正月金人破壽春府廬州商州相繼失二月癸酉邵隆破金人於洪門復南商己卯關師古等擊敗金人復巢縣癸未王

醉  
古



德田師中復含山縣奪昭關劉錡自東關擊敗金人于青谿甲申  
金人復攻昭關王德又敗之李顯忠遣將崔阜擊敗金人於舒城  
縣丁亥楊沂中劉錡大敗兀朮軍于柘臯己丑又敗之乘勝逐北  
遂復廬州虔吉州盜賊悉平三月甲辰張俊楊沂中劉錡議奉詔  
班師丁未金人破濠州鈐轄邵青死之戊申楊沂中王德入濠州  
遇伏敗績明日韓世忠至亦不利而還王子金人渡淮北歸甲子  
行營統制張彥及金人遇于汧陽之劉坊砦第八將張宏戰沒夏  
四月己卯孫近罷壬辰以韓世忠張俊並為樞密使岳飛為樞密  
副使六月壬辰劉光世罷秋七月庚子以范同參知政事甲寅劉  
錡罷八月甲戌岳飛罷九月癸卯鄂州副統制王俊告副都統制  
張憲謀據襄陽為變張俊收憲屬吏以聞辛亥吳璘拔秦州王子  
楊政克隴州郭浩復華州八陝州丙申吳璘及金人戰于剡家灣

韓世忠罷

戊壬  
主

大敗之遂圍臘家城癸亥吳璘受詔班師楊政郭浩皆引軍還冬  
十月戊寅下岳飛張憲大理獄命御史中丞何鑄大理卿周三畏  
鞠之壬午遣魏良臣為金國稟議使癸巳韓世忠罷金人破泗州  
楚州亳州十一月辛丑金帥兀朮遣審議使蕭毅與魏良臣偕來  
由是定和議乙卯以何鑄簽書樞密院事遣使金奉誓表稱臣約  
以淮水中流畫疆割唐鄧二州界之歲奉金繒各二十五萬休兵  
息民各守境土李光降秩藤州安置范同分司筠州居住張浚自  
福建安撫大使加節鉞充萬壽觀使十二月丁卯貶待制劉洪道  
柳州安置乙亥兀朮遣何鑄等如會寧見金主且趨割陝西餘地  
遂命周聿莫將鄭剛中分畫京西唐鄧地界癸未岳飛賜死於獄  
斬其子雲及張憲於市家屬徙廣南官屬于鵬等論罪有差  
十二年春二月丁丑進封瑗為普安郡王癸巳金主許歸梓宮及



皇太后遣何鑄等還三月辛亥齊安王士褒坐黨岳飛貶建州居住夏四月甲子朔遣孟忠厚王次翁使金奉迎梓宮及兩宮丁卯皇太后偕梓宮發五國城金人遣使護送辛巳皇后邢氏崩訃初至五月乙未遣審詔遠等賀金主生辰六月辛未貶王庶道州安置秋七月壬辰胡銓再貶新州編管八月辛酉朔元术使來求商州及和尚方山二原丙寅何鑄罷甲戌以万俟卨參知政事充金國報謝使壬午皇太后韋氏至入居慈寧宮己丑徽宗及顯肅懿節二后梓宮至帝易總以迎奉安於龍德別宮鄭剛中分畫陝西地界割商秦之半畀金存上津豐陽天水三縣及隴西成紀餘地棄和尚方山二原以大散關為界九月乙未以孟忠厚為樞密使壬寅大赦詔曰上穹悔禍副生靈願治之心大國行仁遂子道事親之孝可謂非常之盛事敢忘莫報之深恩禮備送終天啟固陵

之吉壤志伸就養日承長樂之慈顏宗社再安遐邇同慶乙巳加秦檜太師封魏國公丙午金使劉筈完顏宗表等八見戊申以王次翁等充金國報謝使藏金國誓書於內侍省甲寅始遣楊愿使金賀正旦冬十月乙丑始聽中外用樂丙寅權攢徽宗皇帝及顯肅鄭皇后於會稽永固陵以懿節邢皇后祔乙亥以程克俊簽書樞密院事庚辰何鑄坐黨岳飛貶徽州居住甲申皇太后生辰上壽於慈寧宮十一月癸巳張俊罷庚戌孟忠厚罷十二月壬申秦檜上六曹寺監通用敕令格式

癸未

十三年春正月癸卯作太學二月辛巳祕書少監秦熈修建災以來日歷成乙酉建景靈宮三月己亥製鹵簿儀仗乙巳建社稷壇丙午築園丘賑淮南饑民夏四月癸亥頒鄉飲酒儀于郡國己丑立貴妃吳氏為皇后乙卯王次翁罷五月甲子張九成坐黨趙鼎



貶南安軍居住丁丑天申節始上壽錫宴如故事六月壬寅程克俊罷庚戌金人遣洪皓張邵朱弁來歸秋七月甲子詔求遺書八月己亥遣鄭樸等使金賀正旦王師心等賀金主生辰庚戌詔監司守臣講求恤民事宜九月甲子洪皓出知饒州戊辰命諸路置敦宗院冬十月己丑秦檜上監學敕令格式庚寅製渾天儀十一月庚申日南至合祀天地於園丘以太祖太宗並配大赦十二月癸未朔日有食之雲陰不見秦檜率羣臣稱賀賜太師秦檜詔曰省所奏辭免生日賜宴朕聞賢聖之興必五百歲君臣之遇蓋亦千載夫以不世出之賢值難逢之會則其始生之日可不為天下慶乎式燕樂術所以示慶也非喬嶽之神無以生申甫非宣王之能任賢無以致中興今日之事不亦臣主俱榮哉宜服異恩毋守冲節所請且不准金人遣使來賀正旦自是正旦交遣使歲如之

甲  
七

十四年春正月戊寅命普安王解官為子偁持服二月丙午万俟卨罷己酉以樓炤簽書樞密院事尋罷三月丁卯避金太祖嫌名改岷州為西和州川陝宣撫司為四川宣撫司己巳幸太學壬申解潛坐黨趙鼎貶南安軍安置夏四月丁亥禁野史五月丙辰帝以所作先聖七十二子贊及序文御書揭學宮序曰朕自睦鄰息兵首開學校教養多士以遂忠良繼幸太學延見諸生濟濟在庭意甚嘉之因作文宣王贊機政餘閒歷取顏回而下七十二人亦為製贊用廣列聖崇儒右文之聲復知師弟之間纓弁森森覃精繹思之訓其於世道人心庶幾焉乙丑以李文會簽書樞密院事秋七月戊午金人殺王倫於河間丙子幸祕書省至右文殿降輦頒手詔曰蓋聞周建外史掌三皇五帝之書漢選諸儒定九流七畧之奏文德之盛後世推焉仰惟祖宗建開冊府凡累朝名世之



士由是以興而一代致治之原蓋出於此朕嘉與學士大夫共宏斯道迺一新文觀親御榜題肆從望幸之忱以示右文之意嗚呼士習爲空言而不爲有用之學久矣爾其勉修術業益勵猷爲一德一心以共赴亨嘉之會用丕承我祖宗之大訓顧不善歟九月壬申趙鼎移吉陽軍安置竟卒貶所冬十月甲午以右正言何若言戒內外師儒之官黜伊川程氏之學十一月癸酉李光移瓊州安置十二月己卯命諸郡收養老疾貧乏之民復置漏澤園葬死而無歸者丁酉李文會罷庚子以楊愿簽書樞密院事是歲閩浙大水賑之楚州監城縣海水清交趾來貢金人遣使來賀天申節自是生辰交遣使歲如之

十五年春正月丁未朔初御大慶殿行大朝會禮二月己亥進封璩恩平郡王夏四月丙子朔賜秦檜第一區戊寅彗星出東方丁

丑  
六

亥大赦六月乙亥朔日有食之冬十月丙子楊愿罷癸未以李若谷簽書樞密院事庚寅以秦熺爲資政殿學士提舉萬壽觀兼侍讀恩數視執政甲午以汪勃言折彥質黨趙鼎貶柳州安置

丙  
九

十六年春正月壬辰行籍田禮詔曰朕惟兵興以來田畝多荒故不憚卑躬與民休息今疆場罷警流徙復業朕親耕籍田以先黎庶三推復進勞賜耆老嘉與世躋於富厚昔漢文帝頻年下詔首推農事之本至於上下給足減免田租光於史冊朕心庶幾焉咨爾中外當體至懷二月辛丑割豐陽乾祐二縣畀金人三月庚午朔建武學秋七月壬申張浚上疏論時事貶連州居住八月辛丑築高禱壇九月甲戌復命何鑄等使金請國族冬十月戊戌帝觀新作禮器於射殿撞景鐘奏新樂十一月丙子合祀天地於園丘大赦十二月戊戌彗出危



卯

十七年春正月辛卯命州縣每三歲行鄉飲酒禮以貢士壬辰以李若谷參知政事何若簽書樞密院事二月辛酉李若谷罷尋貶江州居住三月乙亥何若罷已卯以段拂參知政事夏四月己亥以汪勃簽書樞密院事五月甲子詔舉賢良己巳洪皓忤秦檜貶英州居住冬十月辛丑朔日有食之己未臨安府甘露降迄紹興甘露降者三十一月丙寅秦檜上重修免役敕令格式是歲四川宣撫副使鄭剛中忤秦檜貶桂陽監居住

辰

十八年春二月乙未段拂罷尋貶興國軍居住夏四月戊子朔日有食之五月癸未李顯忠坐獻策恢復貶台州居住徽州慶雲見秋八月丙申汪勃罷丁酉以詹大方簽書樞密院事未幾卒貶辛道宗房州羈管冬十月丙辰以余堯弼簽書樞密院事十一月己亥胡銓移吉陽軍編管壬寅鄭剛中再編復州安置是歲浙東西

巳

淮南江東饑賑之

十九年春正月甲申朔日有食之甲辰鄭剛中移封州安置子良嗣等除名編管剛中竟卒貶所冬十月己未湖南副總管辛永宗貶肇慶府編管十一月壬辰合祀天地於園丘大赦十二月丁巳金宗室亮弒其主自立

庚

二十年春正月丁亥秦檜入朝殿前司軍士施全道刺之不中壬辰磔全於市三月癸未以余堯弼參知政事丞弼簽書樞密院事丙申李光坐私史譏謗詔遇赦永不檢舉子孟堅竄峽州胡寅程瑀潘良貴張壽等八人緣坐降黜有差戊戌詔改正經界法之厲民者夏四月癸酉置力田科秋九月甲申太常主簿吳元美坐譏毀大臣貶容州編管冬十月戊辰右廸功郎安誠坐文字謗訕貶惠州編管庚午秦檜有疾命執政赴檜第議事十二月甲子命秦



梓

檜肩輿八朝二孫扶掖升殿不拜

二十一年春二月乙卯詔諸州置惠民局壬戌遣巫伋等使金請歸淵聖皇帝及皇族等事所請皆不從秋七月辛亥罷薪米稅八月辛未秦檜上重修諸路茶鹽法冬十一月庚戌余堯弼罷乙卯命提舉常平官修陂湖是年朝散郎王揚英上書薦秦熺為相

軒

二十二年春三月丁酉編管王庶二子之奇之荀於遠州甲辰直龍圖閣葉三省監都作院王遠坐黨王庶趙鼎各貶竄丁巳籍福建路寺觀絕產田宅入官歲入錢三十四萬緡夏四月丙子巫伋罷辛巳以章夏簽書樞密院事秋九月癸丑章夏罷冬十月甲戌以宋樸簽書樞密院事庚辰以黃巖縣令楊煒誹謗貶萬安軍編管知台州蕭振貶池州居住十一月戊申合祀天地於園丘大赦丁巳立薦舉受財刑名是年虔州軍卒齊述殺統制吳進同統領

酉

馬晟據州叛命將李耕等討平之

二十三年春二月辛未改虔州為贛州秋九月庚子以廷臣言禁採鹿胎冬十月戊辰宋樸罷壬申以史才簽書樞密院事十一月乙丑以經筵終帙賜宰執講讀等官宴於祕書省遂為故事是歲潼州路及平江府湖秀二州大水賑之金主亮徙都燕京

卯

二十四年春三月賜進士張孝祥第時擬秦墳帝自易之夏五月癸丑朔日有食之六月癸巳史才罷甲午以魏師遜簽書樞密院事秋七月張俊薨八月壬辰禁百官避輪對甲午罷溫州市黃柑福州貢荔枝冬十月壬午蠲旱傷州縣租賦十一月乙丑魏師遜罷丁卯以施鉅參知政事鄭仲熊簽書樞密院事戊辰秦熺封嘉國公通判武岡軍方疇坐通書胡銓貶永州編管十二月丙戌毀程瑀論語解刻板錮其子孫知饒州洪興祖京西轉運副使魏安

張俊薨



行並緣坐遠竄壬寅刺諸路編管人充廂軍是歲南丹州蠻莫公  
晟及宜州界外諸蠻內附羅殿西南蕃來貢

二十五五年春二月壬寅通判常州沈長卿仁和縣尉芮煜作詩譏  
訕除名編管夏四月乙酉施鉅罷五月丁未朔日有食之癸丑宗  
室令矜忤秦檜貶汀州居住六月庚辰鄭仲熊罷辛巳以湯思退  
簽書樞密院事癸卯言者追譖岳飛改岳州爲純州岳陽軍爲華  
容軍秋七月甲戌進封李天祚爲南平王八月辛巳命大理趙  
汾及令矜交通獄丙戌以董德元參知政事冬十月乙酉命大理  
鞞張祈附麗胡寅獄乙未幸秦檜第問疾檜右司員外郎林一  
飛臺諫徐嘉張扶等請拜熺爲相帝不聽丙申進封檜建康郡王  
熺爲少師並致仕是夕檜卒丁酉檜姻黨知臨安府曹泳貶新州  
安置朱敦儒薛仲邕王彥傅杜思旦皆罷辛丑徐嘉張扶坐黨秦

詔

檜罷言職十一月追封檜申王王子以魏三臣參知政事癸亥合  
祀天地於園丘大赦乙丑復洪皓官釋張祈獄庚午詔監司郡守  
事無巨細須奏聞裁決毋得止上尚書省辛未知建康府王會及  
列郡守臣王昉王鑄鄭僑年鄭震方滋俱以諂附貪冒罷王會尋  
貶循州編管十二月甲戌朔詔曰臺諫風憲之地比用非其人黨  
於大臣濟其喜怒殊非耳目之寄朕今親除公正之士以革前弊  
繼此者宜盡心乃職毋合黨締交敗亂成法當謹茲戒毋自貽咎  
詔聽張浚折彥質万俟卨段拂各自便李光量移郴州壬午詔前  
後告訐者莫汲汪召錫陸升之等九人除名廣南編管甲申命胡  
寅張九成等二十八人並令自便仍復其官乙酉董德元罷甲午  
以沈該參知政事丙申復張浚折彥質趙汾葉三省王趨劉岑官  
移胡銓衡州丁酉禁閩浙川廣貢珍珠文犀是歲交趾眞臘羅斛



丙元

來貢

二十六年春正月壬子省諸州稅場以寬商賈甲子追復趙鼎孫  
 近鄭剛中汪藻舊職二月乙酉進士林東上書追諡秦檜送英州  
 編管右朝奉郎林一飛坐指使林東責監高州鹽稅辛卯魏良臣  
 罷庚子左朝散大夫王曠直徽猷閣呂愿中坐黨秦檜各貶竄三  
 月甲寅以邊事定罷宰相兼領樞密使己未以万俟卨參知政事  
 乙丑進士梁勛伏闕上書言北事送遠州編管丙寅詔曰講和之  
 策斷自朕志秦檜但能贊朕而已豈以其存亡而渝定議邪近者  
 無知之輩鼓唱浮言以惑衆聽至有偽撰詔命召用舊臣抗章公  
 車妄議邊事朕甚駭之自今有此當重置典憲夏四月戊戌罷鄉  
 飲酒舉士法五月壬寅以沈該為尚書左僕射万俟卨為尚書右  
 僕射並同中書門下平章事湯思退知樞密院事六月丁丑以程

甲三

克俊參知政事乙酉詔取士毋拘程顥王安石一家之說辛卯以  
 秦檜父子所修日歷失實命史館重修秋七月丁未彗出井辛未  
 雨水銀八月戊寅革正前舉登第秦墳曹冠等九人出身以朱冠  
 卿言秦檜挾私廢法也冠卿勝非子辛卯程克俊罷甲午以張綱參知政  
 事九月乙巳以陳誠之同知樞密院事丙午立互易薦舉坐罪法  
 冬十月己巳朔詔秦檜在位之日無辜被罪者許自陳釐正乙未  
 以宋貺黨附秦檜貶梅州安置丁酉以張浚上書論用兵依舊永  
 州居住是歲交趾三佛齊來貢

二十七年春二月戊午以湯鵬舉參知政事三月丁亥詔焚交趾  
 所貢翠羽於通衢辛卯右僕射万俟卨卒夏六月戊申以湯思退  
 為尚書右僕射同中書門下平章事秋八月乙未以湯鵬舉知樞  
 密院事九月癸酉張綱罷戊寅以陳康伯參知政事丁亥以校書

南宋書

卷一 本紀一

三

帝三



獻

郎葉謙亨言詔禮官酌景德故事定祭祀之式為書曰紹興正祠錄冬十一月丁亥湯鵬舉罷十二月甲午詔廣南經畧市舶司審番商假託入貢是歲西川旱饑賑之

二十八年春二月丙申以陳誠之知樞密院事乙巳以王綸同知樞密院事已酉詔詳定差役舊法三月辛卯朔日有食之戊子貶秦檜黨宋僕沈虛中遠州居住夏六月辛卯詔遣醫診臨安府城內外病民給藥秋八月己丑蠲災傷州軍苗稅仍賑貸饑民九月庚辰以王剛中為四川安撫制置使冬十一月己卯合祀天地於園丘大赦十二月丁未復李光官放自便是冬帝作損齋為燕居之所曰治道貴清淨宜恬淡寡欲清心省事

二十九年春正月丙辰朔以皇太后年八十詣慈寧殿行慶壽禮二月甲寅詔貶死臣僚議加恩三月丁丑詔侍從臺諫帥臣監司

肥

庚

歲舉可任將帥者二人夏四月壬辰國子司業黃中使金還言金人將徙居汴京以見逼望早飭邊備宰相怒不聽六月甲申朔遣王綸等為金國奉表稱謝使丙申陳誠之罷已酉沈該以貪冒罷尋奪職致仕秋七月丁亥以賀允中參知政事九月乙酉王綸使金還入見言金國和好無他明日湯思退等稱賀甲午以湯思退為尚書左僕射陳康伯為尚書右僕射並同中書門下平章事庚子皇太后韋氏崩冬十一月丙午權攢顯仁韋皇后於永祐陵十二月辛未以王綸知樞密院事是歲湖秀諸州饑賑之三十年春正月丙申以葉義問同知樞密院事二月癸酉詔立普安郡王瑗為皇子更名瑋尋進封建王夏六月庚午王綸罷秋七月戊戌以葉義問知樞密院事周麟之同知樞密院事朱倬參知政事八月丙午朔日有食之王子賀允中使金還言金人必畔盟



時

宜爲之備明日允中致仕壬申淮東總管許世安奏金主亮至汴京起重兵五十餘萬屯宿泗州謀來攻冬十二月乙巳湯思退罷初行會子於東南

三十一年春正月甲戌朔以日食不受朝太史言竟不驗丁亥夜風雷雨雪交作三月壬午以楊椿參知政事丁亥奪秦熈贈官及遺表恩賞庚寅以陳康伯爲尚書左僕射朱倬爲尚書右僕射並同中書門下平章事夏四月辛未遣周麟之使金賀遷都五月戊寅詔知襄陽吳拱視緩急退守荆南辛卯天申節金使高景山王全來全揚言無禮致其主亮語求淮漢地及指取將相近臣計事且以欽宗皇帝訃聞甲午詔以王全語諭諸路統制帥守監司隨宜應變毋失機會是日爲欽宗皇帝發喪乙未以吳璘爲四川宣撫使仍命王剛中同處置軍事丙申命主管軍馬司成閔部兵三

萬人戍鄂州庚子殿中侍御史陳俊卿以內侍張去爲陰沮用兵乞斬之以作士氣帝嘉納之六月乙卯以劉錡爲淮南江東西浙西制置使庚申彗出角乙丑放女樂二百餘人秋七月戊子周麟之坐辭使事貶筠州居住金主亮徙都汴京分命諸將劉萇等由唐鄧瞰荆襄由秦鳳窺巴蜀由海道趨兩浙八月辛丑朔忠義人魏勝復海州總管李寶承制以勝知州事丁未以婉容劉氏妾預國政沮用兵廢於家辛亥幸醫昭慶軍承宣使王繼先坐婉容事貶福州居住并停子孫官籍其貲乙卯劉錡引兵屯揚州遣統制王剛中以兵五千屯寶應乙巳以吳拱爲鄂州諸軍都統制己巳起復成閔爲湖北京西制置使節制兩路軍馬九月辛未宗祀徽宗於明堂以配上帝大赦甲戌金人攻黃牛堡及大散關吳璘遣將敗之庚辰以黃祖舜同知樞密院事乙酉詔劉錡王權李顯忠



威方備清河潁河渦河口丁亥博州民王友直起兵復大名遣使入朝奏事未幾來歸以爲忠義都統制金主亮遣浮梁於淮水之上遂自將來攻兵號百萬遠近大震冬十月庚子朔詔將親征辛丑金人自渦口渡淮癸卯以吳璘兼浙西河東招討使劉錡兼京東河北東路招討使成閔兼京西河北西路招討使李顯忠遣將孔福與金人戰於大人洲敗之丁未傳檄遼夏高麗渤海諸國及河北河東陝西京東河南諸路諭出師共討金人是日金人立宗室雍爲帝戊申劉錡將王權棄廬州遁軍潰於昭關甲寅劉錡遣兵渡淮及金人戰大敗乙卯劉錡聞王權遁自淮陰引兵歸揚州丙辰金主亮入廬州丁巳帝聞王權敗召將相大臣議於內殿陳康伯贊親征戊午命吳璘趨出兵漢中葉義問督視江淮軍馬虞允文參謀軍事金人攻真州步軍司統制邵宏淵逆戰於胥浦橋

兵敗真州破金人不入城遂攻揚州庚申王權自和州遁歸屯於東采石明日金人入和州癸亥金人入揚州甲子復張浚觀文殿大學士判潭州吳璘遣統制吳挺向起等及金人戰於德順軍敗之乙丑金人趨瓜州劉錡遣統領員琦拒之於阜角林斬其統軍高景山丙寅李寶遇金舟師於膠西敗之斬其將完顏鄭家奴等五人劉錡以疾還鎮江戊辰殿中侍御史杜莘老劾內侍張去爲帝不悅去爲致仕莘老子郡十一月壬申以張浚判建康府召王權還以李顯忠代之金人攻瓜州統制劉汜敗走權都統制李橫亦遁金人鐵騎奄至江上統制魏俊王方死之葉義問惶怖趨建康乙亥金主亮臨江築壇刑馬祭天期以翌日南渡丙子虞允文督建康諸軍統制官張振王琪時俊戴臯等以舟師拒金主亮于東采石戰勝却之丁丑虞允文遣水軍統制盛新以舟師擊金人



年

於楊林河口又敗之金主亮焚其舟而去乙酉貶劉汜英州編管  
丁亥劉錡以疾罷己丑貶王權瓊州編管癸巳以成閔為淮北路  
宿州招討使李顯忠為淮北壽亳州招討使吳拱為京西北路招  
討使乙未金人破泰州是日金人弑其主亮於揚州龜山寺戊戌  
金都督府遣使詣鎮江軍中議和十二月庚子楊存中及虞允文  
渡江至瓜州察金兵金人畧漢南之茨湖鄂州軍士史俊登其舟  
獲一將諸軍繼進遂擊却之楊椿夜攻金人殺其帥高定山復廬  
州戊申帝如建康建王從行庚戌金人渡淮北去壬戌曲赦新復  
州軍是月金主雍知亮被弑趨燕京  
三十二年春正月戊辰朔日有食之帝在鎮江府己巳金人攻壽  
春府忠義將劉泰戰死金兵引去壬申帝至建康府是月山東忠  
義耿京起兵復東平府遣其將賈瑞掌書記辛棄疾來奏事詔以

京為天平軍節度使知東平府二月戊戌以虞允文為兵部尚書  
川陝宣諭使乙卯帝還臨安閏月癸未金人攻虢州吳璘遣將楊  
從儀等攻拔大散關分兵據和尚原金人走寶雞辛卯楊椿罷耿  
京將張安國殺京降於金李寶將王世隆攻破安國執送臨安斬  
之三月癸丑金人圍淮寧府守臣陳亨祖死之高麗求入貢詔却  
之夏四月戊寅以汪澈參知政事戊子遣洪邁等使金報聘書用  
敵國體五月戊戌姚仲遣兵救原州敗金人壬寅姚仲及金人  
戰於原州北嶺敗績辛亥都統制張玘張子蓋率兵救海州遇金  
人於石湫堰大敗之玘戰死金人解去甲寅命張浚專一措置兩  
淮事務兼節制州郡軍馬甲子立建王瑋為皇太子更名昶詔曰  
朕以不德躬履艱難三十有二年憂勞萬機宵旰靡怠屬時多故  
未能雍容釋負退養壽康今邊鄙粗寧可遂始志皇子毓德允成



內禪

乾道六年  
淳熙三年

十五年

紹熙三年

神器有託朕心庶幾可立為皇太子仍改名所司擇日備禮冊命以成閔主管殿前司李顯忠主管軍馬司六月庚午以吳拱主管步軍司罷三招討使以金人議和也乙亥朱倬罷丙子禪位皇太子居德壽宮在位三十六年皇太子既即位上尊號曰光堯壽聖太上皇帝乾道六年加上尊號曰光堯壽聖憲天體道淳熙二年加性仁誠德經武緯文十二年復加紹業興統明謨盛烈十四年十月乙亥崩年八十一十五年三月上尊諡曰聖神文武憲孝皇帝廟號高宗紹熙二年加受命中興全功至德

論曰宋高宗南渡僅可與周平王東遷比既不能如夏少康一旅克復舊物又不能如唐肅宗借兵收復兩京而退守偏隅稱臣敵國前史擬之光武晉元非其倫矣當汴京初破二帝雖北中原之人心戴宋甚堅使其藉宗澤之謀用李綱之

策收召兩河豪傑修維二京版圖天下事尚可為而愈避愈南至航海而止輕以陝西五路委張浚斷送一敗不正之局已成此後而議恢復亦萎人之望起矣倚秦檜以偷安固勢所必然帝可謂能忍詬求全者觀其收三大將之重兵於一夕奪秦熿之世權於語間不動聲色如處無事亦見駕馭之有術籠絡之素定樹南宋百年之基豈易言哉  
贊曰華運中傾災行代有康邸徵靈亳社起柳厄膺漢十子符獻九收拾殘疆經營敝帚策拒前征謀專退守充棄河南浚捐陝右赫赫建炎奄奄忍詬保有江南不羞稽首汪黃輔前會之翼後東遷周平庶可曹偶去孽反手禪位釋負德量過人宜享遐壽

南宋書本紀卷之一終

南三書

宋一本紀一

三

南三書



南史書卷一 孝宗本紀第二 明錢士升增削許重熙贊 掃葉山房校刊 南宋書卷第二

孝宗本紀第二

南宋書卷第二

明錢士升增削許重熙贊

掃葉山房校刊

孝宗成孝皇帝諱昚字元永太祖七世孫太祖傳生秦王德芳英  
國公惟憲新興侯從郁華陰侯世將慶國公令諱是生子偁為秀  
王夫人張氏以建炎元年十二月二十二日生帝於秀州名伯瓚  
元懿太子薨高宗未有後僕射范宗尹以請高宗曰太祖以神武  
定天下子孫不得享之朕若不法仁宗為天下計何以慰在天之  
靈於是詔選太祖後上虞丞婁寅亮亦上書言之及紹興二年五  
月選帝育禁中三年賜名瑗授和州防禦使五年封建國公十二  
年二月進封普安郡王出閣就外第十四年正月以秀王喪解官  
十六年四月免喪還舊官二十四年衢州盜起秦檜遣捕不以聞  
帝入侍言之高宗大驚及檜疾篤其家祕不以聞謀以子熺代相

紹興二年  
五年  
七年  
十四年



帝又密啟高宗破其奸三十年二月立為皇子更名瑋進封建王  
 四月賜字元瓊金人畧邊高宗下詔親征朝臣多陳退避計帝請  
 率師為前驅翰林學士史浩言太子不宜將兵高宗欲帝遍識諸  
 將遂扈蹕如金陵三十二年五月甲子立為皇太子乙亥內降御  
 札皇太子可即皇帝位丙子百官拜詔畢八班殿庭內侍掖帝至  
 御榻側立不坐扶掖至七八乃畧就坐宰相率百僚稱賀帝遽興  
 輔臣升殿固請帝愀然曰君父之命出於獨斷然此大位懼不克  
 當班退太上皇帝即駕之德壽宮帝步出殿門冒雨掖輦入宮門  
 弗止上皇麾謝再三顧曰吾付託得人吾無憾矣丁丑朝德壽宮  
 庚寅大赦甲申詔中外士庶陳時政闕失丙戌宰執陳康伯以下  
 各進秩丁亥詔以太上皇不許五日一朝自今月四朝復胡銓官  
 知饒州甲午上太上皇帝尊號曰光堯壽聖太上皇帝后曰壽聖

太上皇后乙未晦金人屠原州秋七月癸卯以張浚為江淮宣撫  
 使封魏國公戊申追復岳飛官以禮改葬八月乙丑朔四川軍馬  
 統制高師中與金人戰於摧沙死己巳以史浩參知政事丁亥班  
 寬恤事十八條戊子追復李光官趙鼎范冲並還恩數庚寅以生  
 日為會慶節九月甲午進封子愔鄧王愷慶王惇恭王金人攻德  
 順軍東山堡中軍將李庠戰死丁酉詔開講日召輔臣親講川陝  
 宣諭使虞允文以論邊事不合罷庚子金人來索舊禮詔羣臣各  
 陳應敵定論以聞冬十月丙寅詔朝臣舉堪監司郡守者己巳葉  
 義問罷戊子以張燾同知樞密院事十二月乙丑詔宰臣復兼樞  
 密使丙寅詔棄德順城徙兵民於泰州屯住宣撫使吳璘班師丙  
 戌詔觀察使以上各舉所知二人三省樞密院詳議立格以聞  
 隆興元年春正月壬辰朔帝朝德壽宮自是歲如之立武臣薦舉



格庚子以史浩爲尚書右僕射同中書門下平章事兼樞密使張  
浚進樞密使都督江淮東西路軍馬丁巳詔吳璘軍進退可從便  
宜璘已棄德順道爲金人所邀將士死者數萬人新復十六州軍  
俱失二月癸未黃祖舜罷知潭州庚寅逐秦檜黨人仍禁輒至行  
在三月壬辰朔金帥高志寧以書來求海泗唐鄧四州地及歲幣  
癸巳以張燾參知政事辛次膺同知樞密院事燾尋罷庚子以龍  
大淵知閣門事會觀同知閣門事並論罷甲寅復以任之中書舍  
人留黃不行詔求遺逸夏四月戊辰張浚被命入見議出師渡淮  
三省樞密院不預聞壬午詔戶部臺諫節浮費戊子張浚命邵  
宏淵帥師次盱眙巳丑又命李顯忠帥師次定遠金人拔環州守  
臣強寬及弟震死五月甲辰李顯忠及邵宏淵敗金人於宿州乙  
巳史浩罷知紹興府丙午復宿州戮金兵數千人建康前軍統領

王琪巷戰死丁未以辛次膺參知政事洪遵同知樞密院事督諸  
路開營田辛亥詣德壽宮賀天申節自是歲如之癸丑金人攻宿  
州李顯忠敗之統制官以二將不協而遁甲寅李顯忠邵宏淵軍  
大潰於符離乙卯下詔親征六月庚申朔日有食之癸亥汪澈罷  
張浚乞致仕且請通好於金皆不許戊辰名虞允文以周葵參知  
政事癸酉下詔罪已張浚降授宣撫使邵宏淵降官階戊寅辛次  
膺罷己卯貶李顯忠筠州居住秋七月庚寅朔以虞允文爲湖北  
京西制置使癸巳以湯思退爲尚書右僕射同中書門下平章事  
兼樞密使再貶李顯忠潭州安置己巳以旱蝗星變詔侍從臺諫  
兩省官條上時政闕失丁未詔徵李顯忠侵欺官錢免籍其家八  
月丙寅張浚復都督江淮軍馬戊寅金帥又以書求海泗唐鄧四  
州地及歲幣癸未復以龍大淵會觀知閣門事丙戌遣盧仲賢齎



書如金軍戒勿許四州冬十月戊午朔大臣奏金帥書言四事帝曰四州地歲幣可與名分歸正人不可從丙子立夏氏為皇后十一月己丑盧仲賢留宿州得金帥林忠義遺三省樞密院書以歸庚子遣王之望為金國通問使辛丑詔集議講和遣使禮數上貢四事丙午盧仲賢以擅許四州下大理寺奪三官癸丑以胡昉楊由義為使金通問國信所審議官十二月己未陳康伯罷判信州丁丑以湯思退張浚為尚書左右僕射並同中書門下平章事兼樞密使浚仍都督江淮東西軍馬悉蠲兩浙江東水旱租二年春正月丙午金帥林忠義復以書來二月乙酉胡昉自宿州還初金帥以昉等不許四州械繫之昉等不屈金主遣之歸三月丙戌朔詔張浚視師於淮金兵退丁亥貶盧仲賢械送郴州編管夏四月丁丑張浚罷判福州五月壬辰詔曰朕惟祖宗選用將帥

以崇武節外建方鎮內列環尹品式備具近來環衛久不除授非所以儲材而均任也可依舊制應以材畧聞堪任將帥及久勤軍事暫歸休佚之人並為環衛官更不換授並令兼領六月甲寅朔日有食之壬申命虞允文棄唐鄧允文不奉詔秋七月乙酉召虞允文還以韓仲通為湖北京西制置使丁亥洪遵罷己巳命海泗州徹戍八月庚辰以賀允中知樞密院事壬午遣魏杞為金國通問使九月丁酉嚴賊吏法辛丑以王之望參知政事時久雨出內庫白金四十萬賑貧民癸卯命湯思退都督江淮東西路軍馬辭不行乙巳復命楊存中同都督錢端禮吳芾並都督府參贊軍事冬十月甲寅魏杞至盱眙金帥以國書未如式弗受欲得商秦地及俘獲人且邀歲幣二十萬杞未得進丁卯賀允中致仕庚午詔曰朕每聽朝議政頃刻之際意有未盡自今執政大臣或有奏陳



宜於未申間入對便殿庶可坐論得盡所聞期躋於治辛巳金人分道渡淮劉寶棄楚州遁十一月乙酉知楚州魏勝與金人戰死州遂破濠州亦破王彥棄昭關遁滁州又破庚寅命楊存中都督江淮軍馬辛卯湯思退罷尋貶永州居住甲午太學生張觀等七十二人上書請斬湯思退王之望尹穡竄其黨洪适晁公武而用陳康伯胡銓等以濟大計丁酉以金人攻淮南詔擇日視師戊戌以陳康伯爲尚書左僕射同中書門下平章事兼樞密使辛丑以錢端禮簽書樞密院事壬寅以虞允文同簽書樞密院事癸卯遣王之望勞師江上己酉劉寶王彥有罪並貶秩閏月丙辰周葵罷王抃見金二帥得其報書以歸戊辰以金兵且退詔督府擇利擊之王之望執不可乙亥王之望罷丙子以王抃爲使金通問國信所參議官持陳康伯報書以行十二月辛卯以錢端禮參知政事

虞允文同知樞密院事王剛中簽書樞密院事丙申詔曰比遣王抃遠抵潁濱得其要約尋澶淵盟誓之信倣大遼書題之儀正皇帝之稱爲叔姪之國歲幣減十萬之數地界如紹興之時憐彼此之無辜約叛亡之不遣可使歸正之士咸起寧居之心重念數州之民罹此一時之難老稚有蕩析之裁丁壯有繫纆之苦宜推蕩滌之宥少慰彫殘之情應沿邊被兵州軍除逃遁官吏不赦外餘並放遣是歲交趾來貢

乾道元年春正月辛亥朔合祀天地於園丘大赦改元辛酉召楊存中通問使魏杞至燕山金主命帥府罷兵歸國杞辛正敵國禮而還二月庚辰從太上皇太上皇后幸四聖觀丁未陳康伯致仕二月庚申以虞允文參知政事王剛中同知樞密院事夏四月庚子金報問使完顏仲入見六月丙戌以洪适簽書樞密院事壬辰

凡九年  
配三

行三詩  
卷之二 本紀二  
乾道元年



淮南轉運判官姚岳言境內飛蝗自死奪一官書之秋七月癸丑  
輔臣晚對選德殿御座後大屏記注諸道監司郡守姓名因命都  
堂視此書之八月乙酉詔立鄧王愔爲皇太子丁亥虞允文罷戊  
子大赦己丑以洪适參知政事葉永簽書樞密院事癸巳錢端禮  
避東宮親嫌罷九月乙卯立錢氏爲皇太子妃甲戌以汪澈知樞  
密院事冬十二月戊寅以洪适爲尚書右僕射同中書門下平章  
事兼樞密使汪澈爲樞密使庚寅以葉永參知政事辛卯詔侍從  
臺諫兩省舉堪監司郡守者各一人三衙知閣舉材武可守邊者  
一人金人先後遣使來賀會慶節及正旦自是歲交遣使如故事  
二年春二月丁丑賑兩浙江東饑三月辛未洪适罷癸酉以魏杞  
同知樞密院事丁丑罷和籟夏四月戊寅以久雨命侍從臺諫議  
刑政所宜以聞乙未汪澈罷五月庚戌葉永能以魏杞參知政事

成丙

四

林安宅同知樞密院事蔣芾簽書樞密院事秋八月丙戌林安宅  
罷尋貶筠州居住九月知上元縣李允升以賊杖脊刺面配惠州  
籍其貲建康守臣王佐坐縱允升貶建昌軍居住其薦舉及失按  
者並奪官冬十一月甲子大閱是月詔汰冗兵十二月甲申以葉  
永魏杞爲尚書左右僕射並同中書門下平章事兼樞密使蔣芾  
參知政事陳俊卿同知樞密院事庚寅置制國用司以宰相兼領  
之癸巳詔監司守臣舉廉吏

亥丁  
五

三年春正月甲辰詔戒大理寺曰獄重事也稽者有律當者有比  
疑者有讞比年顧以獄情白於宰執採取旨意以爲輕重甚無謂  
也自今其祇乃心敬於刑惟當爲貴毋習前非不如吾詔吾將大  
寘於罰罔攸赦二月癸酉出龍大淵曾覲爲淮東西總管辛巳以  
虞允文知樞密院事戊戌直祕閣石敦義以賊刺面配柳州籍其



南史書 卷二 家是月從太上皇太上皇后幸玉津園三月復從幸聚景園歲以爲常壬戌帝本生母秀王夫人張氏薨夏四月癸酉爲王夫人成服於後苑六月己巳以虞允文爲四川宣撫使帝親書九事戒之辛卯皇后夏氏崩秋七月己亥皇太子愔薨癸酉攢安恭夏皇后於臨安修吉寺八月丁酉內侍陳瑜李宗回坐交結戚方受賂瑜決杖黥面配循州宗回除名筠州編管方責授果州團練副使潭州安置籍所盜庫金犒軍冬十一月丙寅合祀天地於園丘大赦癸酉以郊祀雷葉永魏杞並罷以陳俊卿參知政事劉琪同知樞密院事丁丑以雷發非時求直言兩浙水四川旱江東西湖南北蝗占城來貢

戒

六

四年春正月壬午奪秦墳秦堪郊恩蔭補二月己亥以蔣芾爲尚書右僕射同中書門下平章事兼樞密使兼制國用使乙巳以王

炎簽書樞密院事癸丑五星皆見夏四月丙辰禮部員外郎李燾上五朝續通鑑長編五月丙戌班乾道歷六月辛丑五星皆見丁巳召興仁軍布衣林彖赴行在戊午右僕射蔣芾母喪去位秋七月壬戌召建寧布衣魏揆之赴行在戊寅知衢州王悅以盛暑禱雨蔬食減膳憂勤致疾而死贈直龍圖閣八月乙未班祈雨雪之法於諸路己亥五星皆見庚戌劉琪罷知隆興府冬十月庚子蔣芾起復尚書左僕射陳俊卿尚書右僕射並同中書門下平章事兼樞密使兼制國用使蔣芾辭起復許之甲辰大閱十一月己亥詔陝州布衣郭雍赴行在賑綿漢邛蜀等州饑減兩浙江東西路明年夏稅和市之半

肥

七

五年春正月甲戌措置兩淮屯田二月壬寅以梁克家簽書樞密院事甲辰以王炎參知政事夏六月己酉以虞允文爲樞密使八



月甲申朔日有食之已丑以陳俊卿虞允文為尚書左右僕射並同中書門下平章事兼樞密使兼制國用使冬十一月癸丑朔復置淮東萬弩手名神勁軍庚申增置廣東水軍辛未詔侍從臺諫兩省官各歲舉朝官以上才堪監司郡守者三人賑恤饒信衢婺四州流民及溫台二州被水貧民

六年春二月壬寅詔曰朕深惟治不加進思有以正其本者今欲均役法嚴限田抑游手務農桑凡是數者卿等二三大臣為朕任之夏四月戊戌吏部尚書汪應辰三疏論發運司罷知平江府五月己巳陳俊卿以議遣使不合罷知福州丁丑知潮州曾造贓罪貸命南雄州編管籍其家閏月癸巳以梁克家參知政事秋九月范成大使金還所請陵寢及更受書禮俱不從冬十月甲戌起居舍人趙雄請置局議恢復詔以雄為中書舍人十一月壬午合祀

天地於園丘大赦丁酉加上太上皇帝及太上皇后尊號十二月戊申大閱癸酉罷發運司以史正志奏課不實貶永州安置兩浙江東西福建水旱

七年春正月作敬天圖帝謂輔臣曰無逸一篇享國長久皆本於寅畏朕近日取尚書所載敬天事編為兩圖朝夕觀覽以自警省二月癸丑詔立子惇為皇太子大赦進封愷魏王三月乙亥朔以趙雄使金復請更受書禮金主不從詔訓習水軍丙子立李氏為皇太子妃己卯起復劉琪同知樞密院事以張說簽書樞密院事言者相繼論說不宜執政未拜而罷夏四月己巳詔侍從臺諫兩省舉任州獄錢穀及有知畧吏能者各二人辛未命皇太子領臨安尹五月丁亥劉琪辭起復以為荆襄宣撫使固辭不拜庚寅金人葬欽宗於鞏原秋七月庚子以王炎為樞密使四川宣撫使冬



十二月壬申臨安府尹周滂以獄空聞詔曰畿方千里俗具五民趨利者率多巧僞亡身者公肆奪攘非閑之以義守之以信求因圉之空未易得也卿以吾土嗣尹正是司布政以來風流篤厚禁網疎濶刑罰用稀今焉俾無一人之獄足以副吾欽恤之意矣賀章來上嘉歎不忘湖南江東西路旱賑之

辰十

八年春二月乙巳詔改尚書左右僕射同平章事為左右丞相辛亥以虞允文梁克家為之並兼樞密使癸丑以張說王之奇並簽書樞密院事侍御史李衡右正言王希呂交章論張說不報直學士院周必大不草答詔權給事中莫濟封還錄黃並與外祠希呂衡亦罷丙寅以曾懷參知政事秋七月辛巳姚憲曾觀使金還所請受書事復不從九月戊寅虞允文罷為四川宣撫使壬辰允文入辭帝諭以決策親征令視兵竣報江東西大旱四川水

巳十

九年春正月辛未王之奇罷知揚州王炎罷乙亥以張說同知樞密院事沈夏簽書樞密院事戊寅以鄭聞簽書樞密院事二月壬申蠲江西旱傷五州逋負夏四月丁丑皇太子解臨安尹事五月壬辰朔日有食之己未廸功郎朱熹屢詔不起特改宣教郎主管台州崇道觀秋八月丙子詔曰朕惟旱乾水溢之災堯湯盛時有不能免民不苦命者備先具也豫章諸郡縣但阡陌近水者苗黍尚實高仰之地雨不時至苗輒就稿意水利不修失所以為旱備乎唐韋舟為江西觀察使治陂塘五百凡十八所灌田萬二千頃此特施之一道其利如此矧天下至廣也農為生之本也泉流灌漑所以毓五穀也今諸道名山川原甚眾民未知其利然則通溝瀆瀦陂澤監司守令顧非其職歟其為朕相邱陵原隰之宜勉農桑盡地利平繇行水勿使失時雖有荒凶而力田者不至拱手受

南史書

卷二一本紀二

九

掃葉山房



凡十六年

甲午

鄭聞卒

困亦天人相因之理也朕將即勤惰而寓賞罰焉冬十月辛未梁克家罷甲戌以曾懷為右丞相張說知樞密院事鄭聞參知政事沈夏同知樞密院事十一月戊戌合祀天地於園丘大赦改明年元十二月甲子沈夏罷乙丑以姚憲簽書樞密院事函書附金使申議受書禮復不從浙東江東西湖北旱交趾來貢  
淳熙元年春正月丙午詔賜交趾國名安南進封李天祚為安南國王三月丙申鄭聞罷為四川宣撫使夏四月己卯以姚憲參知政事葉衡簽書樞密院事六月丙辰朔詔禮官討論別建四祖廟正太祖東嚮位戊辰曾懷罷癸未姚憲罷甲申以葉衡參知政事秋七月丁亥以鄭聞參知政事戊子詔舉廉吏壬辰復以曾懷為右丞相八月己未張說罷以楊傑簽書樞密院事冬十月丙寅參知政事鄭聞卒十一月甲申朔日有食之戊戌以龔茂良參知政

紀

事楊傑罷知荆南府丙午曾懷罷戊申以葉衡為右丞相兼樞密使十二月丁巳以李彥穎簽書樞密院事占城來貢  
二年春正月庚戌詔籍諸軍子弟為背嵬軍夏四月己巳幸玉津園帝謂輔臣曰朝廷用人只論其賢否何如不可有黨如唐牛李之黨相攻四十年不解皆緣主聽不明又曰近來士大夫好倡為清議恐相師成風如東漢激成黨錮之禍卿等宜書諸紳六月庚戌朔以沈夏同知樞密院事丁卯用左司諫湯邦彥言貶蔣芾王炎張說各遠州居住秋七月辛丑有星孛於西方八月丁卯蠲湖南江西被寇州縣租稅九月乙酉賑淮南水旱州縣乙未葉衡罷知建南府丁未沈夏罷知鎮江府追復趙鼎爵邑封豐國公閏月丁巳以李彥穎參知政事王淮簽書樞密院事冬十月壬午加上太上皇帝及太上皇后尊號十一月戊午提點坑冶王揖進羨餘

卷一 本紀一

帝 葉山



南宋書 卷一  
十萬緡詔却之十二月甲午太上皇壽七十詣宮行慶禮大赦百官加恩

丙午

三年春三月丙午朔日有食之雲陰不見壬申立任子參選覆試法夏四月戊寅詔侍從臺諫兩省歲舉監司郡守各五人己丑葉衡責授郴州安置丁酉湯邦彥陳雷奉使無狀貶新州永州編管六月甲午以朱熹累詔不起特命為祕書郎辭不就秋八月乙亥以王淮同知樞密院事趙雄簽書樞密院事庚辰太上皇詔立貴妃謝氏為皇后冬十月庚辰詔曰鬻爵非古也理財有道均節出入足矣妄輕官爵以益貨財朕甚不取自今除歲歉民願入粟賑饑有裕於眾聽取旨補官其餘一切住罷十一月癸丑合祀天地於園丘大赦京西諸路旱浙東水黎州蠻寇邊

丁卯

四年春正月丁卯班淳熙歷三月乙亥幸太學命祭酒林光朝講

中庸遂幸武學學官諸生進秩賜賚有差三月壬子封李天祚於龍翰為安南國王夏六月丁丑龔茂良罷知鎮江府己卯以王淮參知政事秋七月乙酉罷王雱從祀孔廟癸丑龔茂良責授英州安置九月丁酉朔日有食之戊午閱蹴鞠於選德殿冬十一月庚子以趙雄同知樞密院事十二月乙亥大閱襄陽隨郢饑福建諸州水

戊午

五年春正月敕有司毋以程頤王安石之說取士三月丁酉李彥穎罷知紹興府壬子以史浩為右丞相己未以王淮知樞密院事趙雄參知政事夏四月丙寅以范成大參知政事六月庚午飭百官毋得請託乙亥范成大罷知婺州甲申以錢良臣簽書樞密院事秋八月甲午復制科舊法詔諸路守令曰比年以來五穀屢登蠶絲盈箱嘉與海內共享阜康之樂尚念耕夫蠶婦終歲勤動價

戊午

南宋書 卷一 本紀二 帝業山房



紀  
七

庚  
六

賤不足以償其勞郡邑兩稅除折身折變自有常制當輸正色者毋以重價強之折錢若有故違重置於法冬十月戊午皇孫擴進明州觀察使封英國公十一月甲戌史浩罷乙亥以錢良臣參知政事丁丑以趙雄為右丞相王淮為樞密使福建州興化軍水通秦楚州高郵軍田鼠傷禾三佛齊來貢六年春二月壬辰參知政事錢良臣以失舉賊吏奪三官三月丙寅錄趙鼎岳飛子孫賜京秩夏六月甲午建豐儲倉秋九月辛未大饗明堂復合祭天地大赦冬十一月乙卯朔帝著論數百言深原用人之弊因及誅賞之法命宰執侍從臣於都堂十二月己亥詔自今鞠賊吏後雖原貸者毋以失八坐獄官溫台州水和州旱廣西妖賊李接作亂討平之七年春二月癸未朔初置廣南烟瘴諸州醫官辛卯魏王愷卒夏

甲  
三

乙  
三

西湖北旱安南貢馴象詔却之

十一年春正月辛卯朔雨土辛丑安化蠻蒙光漸等犯宜州思立砦廣西兵馬鈐轄沙世監出兵討之獲光漸丙午詔江東西路諸監司義役差役從民便三月辛丑罷秀州御馬院莊歸其侵地於民夏六月庚申以周必大為樞密使江東浙西諸州水福建廣東吉贛州建昌軍興元府金洋西和州旱

十二年春正月壬辰四川制置使留正誘青羗奴兒結殺之三月乙酉孫擴進封平陽郡王辛卯禁習渤海樂辛亥命侍從臺諫兩省總領管軍官各舉堪都副統制者一二人夏四月丙子諜言故遼大石林牙假道夏人以伐金密詔吳挺與留正議之六月戊寅太白晝見秋七月丁酉太白晝見經天甲辰以淮西屯田鹵莽總領軍帥漕臣守臣奪官有差冬十月辛亥加上太上皇及太上皇



丙午

后尊號十一月辛丑合祀天地於園丘大赦

十三年春正月庚辰朔以太上皇壽八十率羣臣詣德壽宮行慶禮大赦百官加恩夏四月辛亥詔吳挺結約夏人五月癸未日中有黑子白淳熙至此凡四見丙申賜冲晦處士郭雍號曰頤正先生仍遣官就問雍所欲言備錄來上秋閏七月戊申以留正簽書樞密院事己未五星皆伏八月乙亥朔日月五星聚於軫冬十一月丙寅梁克家罷辛未裁定百司吏額十二月戊戌大理寺獄空利州路饑江西諸州旱

丁未

十四年春二月丁亥以周必大為右丞相戊子以施師點知樞密院事夏六月戊寅以久旱班畫龍祈雨法秋七月丁未以旱罷汀州經界八月癸未以留正參知政事冬十月乙亥太上皇崩遺詔太上皇后改稱皇太后辛巳詔曰大行太上皇帝奄棄至養朕當

咸

衰服三年羣臣白遵易月之令可令有司討論儀制以聞十一月己亥詔皇太子惇參決庶務十二月庚午大理寺獄空兩浙江西淮西福建旱

十五年春正月丁酉朔詣德壽宮凡筵行禮辛丑復置左右補闕拾遺庚申施師點罷甲子以黃洽知樞密院事蕭燧參知政事三月丙寅攢高宗於永思陵夏四月丙戌高宗祔廟詔廷臣曰朕比下令欲衰經三年羣臣屢請御殿易服故以布素視事內殿雖詔俟過祔廟勉從所請然稽諸典禮心實未安行之終制乃為近古宜體至意勿復有請庚寅皇太后不許五日一朝德壽宮有旨如舊禮月四朝五月己亥王淮罷判衢州乙巳帝既用薛叔似言罷王淮詔諭叔似等曰卿等官以拾遺補闕為名不任糾劾今所奏乃類彈擊甚非設官命名之意宜思自警六月癸酉以江西提典



刑獄朱熹爲兵部郎官熹以疾未就職兵部侍郎林栗劾熹慢命熹力辭栗尋罷秋七月壬戌恩平王璩卒八月甲子朔日有食之九月辛丑大饗明堂以太祖太宗配大赦冬十二月壬午命朱熹兼崇政殿說書辭不至江南湖北兩淮建寧府徽州水金人聞高宗訃遣使弔祭

配  
十六年春正月癸巳金主雍卒孫璟立遣使弔祭及賀卽位丙申黃洽罷己亥以周必大爲左丞相留正爲右丞相王藺參知政事葛邲同知樞密院事己巳蕭燧罷丙午皇太后移御慈福宮己未更德壽宮爲重華宮辛亥周必大等奏事孝宗諭以倦勤欲退就休養以畢高宗三年之制因令草詔禪位皇太子二月辛酉朔日有食之壬戌帝吉服御紫宸殿行內禪禮畢周必大奏陛下巽位與子盛典再見度越千古願自今不得日侍天顏因哽噎不能言

帝亦泣然曰正賴卿等協贊新君遂素服駕之重華宮在位二十七年皇太子旣卽位上尊號曰至尊壽皇聖帝紹熙五年六月崩年六十八寧宗上尊諡曰哲文神武成孝皇帝廟號孝宗慶元三年加今諡紹統同道冠德昭功

孝宗初受禪給侍內使撥一半供德壽宮內侍乞人補填孝宗云不須朕無所用若漆數百人請受國用何以支吾高宗絲鞋兩日一易孝宗兩月一易高宗御服三日一易孝宗敝則易之或時浣濯補紉孝宗旣退重華宮終日宴坐淨齋几上書籍一部硯一筆二墨一四旁無他物近侍奏高宗寶玩圖書甚多可取觀玩孝宗云朕無高宗功德豈可享此內侍云留在藏庫久必朽盡孝宗云高廟所寶將出損壞便是不能守也畢竟鎖閉不啟慈福慶壽壽皇新作一袍刺繡甚華慈福見之云哥哥平日不曾著此



衣服今何故如此壽皇云正爲媽媽獻杯之故壽皇親捧壽杯慈  
福不舉手就以口飲感動之極至於滄下翌日取此御袍藏之云  
此我兒子孝順爲我獻壽之服也 元夕後三日宣嗣秀王及其  
諸子宴壽皇云外間鼓吹喧闐想是民間歡樂王云連年豐稔所  
以致此壽皇云是王因問元夕壽皇亦領畧否壽皇云十四日嗣  
帝過此排當十五日不飲王云是夕如何度壽皇云鼓琴兩曲遂  
出巡簷看月已飲湯一杯至二鼓就寢大凡飲酒不可連日令人  
神思不清又云人主没人道得若不自禁何所不可 每宣秀邸  
及諸子宴食味甚薄壽皇云盤案豐腆所食不過兩箸其餘皆作  
踐了何如分作兩三次可頻會也 近侍奏修重華宮須關朝廷  
下臨安轉運司應副壽皇云向者德壽宮闕錢所以朝廷極力應  
副今我並無用錢處所積甚多只用宮中錢修不必關聞南內

論曰殷高宗舊勞於外爰知小人之依能保惠於庶民宋孝  
宗亦然力作恭儉常若在閭閻之時其心不以得位爲樂而  
以不克繼承爲懼自始至終如一日焉至其孝事德壽以天  
下養盡志盡力載籍以來所未見者遵古服三年之制尤其  
所難世儒猶議其恢復未遂此不見事理之言耳金世宗政  
修國理南北之分量已成使不量力而圖之亦何能有濟哉  
帝可謂善守國治平者  
贊曰孝宗丕承舊勞知依危心恭德勤事儉思纘服高皇至  
孝飲怡衰服三年力追古儀克復雖賒勵志弗移懋惟帝績  
有光鴻基





